

四庫全書

史部

欽定四庫全書

史部

福建通志卷三

詳校官監察御史

臣陳化龍

檢討

臣德生覆勘

總校官檢討

臣何思鈞

校對官主事

臣陳文樞

謄錄監生

臣陸紹臺

欽定四庫全書

福建通志卷三

山川

將欲興雲致雨以大和會則必奠高濬深以疏地
脉也將欲扼險築城以正周索則必安流界峙以
畫地紀也將欲降神誕秀以生申甫則必嶽停川
結以鍾地靈也山川亦綦重哉閩東南瀕大海百
川注之上游達江有建劍溪灘以疏其惡山則武

夷漁梁屏蔽南天霍童支提綱維海宅波園峯繞
包絡四封蓋南土之奧區炎方之靈藪也山高水
深千年未改運會氣數與時漸開歷覽漢唐以來
其風土之恢廓氣候之變遷可考而知矣蒞茲土
者疆域封守限帶內外以至道里關梁之細按圖
而瞭如列眉又況炳靈合精其扶輿清淑之氣鍾
為百代之人傑者皆於是乎在茲編之紀豈僅山
經水志之文已哉若夫拳石勺水騁登臨之目誇

名勝之奇山川有知夫何取夫何取志山川

福州府

閩縣九仙山

在城東南隅城中有九山諺云三山藏三山現三山不可見是山與侯官之烏石越

王其現者也羅山與侯官之冶山閩山其藏者也又有隱隱磅礴於闌閭間者曰靈曰芝曰鐘故曰不可見也初名于山相傳何氏兄弟九人居此仙去又曰九日山越王無諸九日宴集之所有大石樽尚存其峯曰鰲頂峯又曰狀元峯石刻宋狀元陳誠之讀書處又石刻鵬海天風四大字下有羅漢洞石有普陀石山周遭曰平遠臺曰煉丹井曰浴鵝池曰躍馬巖曰喜雨臺曰仙人床曰金積園曰磊老巖曰杏壇曰廓然臺曰碁盤石曰玉蟬峯曰琴臺曰青牛洞曰醉鄉石曰龍舌泉曰石龜池曰獅子巖曰集仙巖曰小

華峯曰仙羊石曰梅嶺曰攬鰲亭曰香壇曰金粟臺
唐天祐初王雷知即山西南建萬歲寺御史黃滔為
作丈六金身碑記宋政和間尚書黃裳奏請建飛天
法藏藏天下道書總五百四十函明汪道昆有平遠
臺勒功銘為戚繼光頌
宗臣有登平遠臺記
羅山九仙山之支也在萬歲

有法
海寺
丁戊山亦九仙山之支也一曰嵩山以在郡城
之中又名中山舊有嵩嶽崇福行宮蓋

閩王望祀
之所今廢
白馬山出城東二里閩越時山間民夢神
人乘白馬至此梁改閩縣為長樂

遂名長樂山有小蘭亭宋時郡僚佐上已禊飲處今
廢山陰有溫泉焉山之南曰三昧山曰寶月山又南

曰康
金雞山去城三里閩中記云秦始皇時望氣者
謂此山有金雞之祥遂劇山脊以厭王

氣北勢漸高曰青鵝山桑溪之水出焉又名曲水俗
傳閩越王流觴處又北為龍窟舊記山穴有蟬額有

王字人以為龍祠之故名傍有三友墓明弘治間有
徐吳林三人稱莫逆死而同穴合葬焉有嶺曰獵嶺
有嶺曰雞心巒西連諸小山曰峭
谷曰東湖宋林觀過林風居之 **鳳丘山** 去城五里
朱熹大書

鳳丘二字又有鶴林二字北連蒲嶺南際江宋彭紹
修真地也邦師白玉蟾得太乙刀圭火符之術與妻

潘蕊珠脩煉後俱尸解詔封鶴林
真人陳孔碩篆書蟄仙二字刻石 **東山** 去城十里有
榴花洞聖泉

神移泉詳見古蹟寺觀又有獅子峯文殊巖天台井
松塢靈芝塢蟄龍淵涵虛沼御書堂藏宋太宗所賜

書羅漢堂夜光臺神僧室鑑淨軒山輝堂放生池龍
首澗宋許將讀書處又有清音碧巖二亭其東為古

嶺下有鐵鼎潭龍常居之南有 **鼓山** 去城二十里郡
溪曰鱗溪即白馬三郎射鱗處 **鼓山** 鎮山也屹立海

濱延袤數十里而遙山巔有石如鼓故名有大頂峯
一名劣崩狀若覆釜西望郡城遠近村落若聚沙布

碁東視大海一氣茫然螺髻數點隱見烟波中相傳
為大小琉球云朱熹大書天風海濤字鐫之石淳熙
中建亭峯頭朱熹書扁今廢又有小頂峯香爐峯鉢
盂峯白雲峯雙髻峯獅子峯有池曰浴鳳池唐樵者
見五色雀浴此有靈源洞在湧泉寺左其中石壁峭
立朱熹大書壽字鐫於洞中有喝水巖五代僧神晏
誦經於此燕水聲喧聒叱之遂逆東流而西澗以澗
國師巖在西澗底東壁神晏移居於此掇石乳而食
蔡襄書忘歸石三字又有將軍石應真臺石門巖巨
石槎材峙立如門祖師巖甘露松白猿穴望州亭宋
熙寧中郡人陳烈與郡守丁竦提刑沈紳同遊鼓山
刻銘於峯頭之盤石而亭其上有元公亭宋嘉祐間
郡守元絳建有鳳尾亭羅漢泉龍頭泉蹴鰲橋唐黃
璞五世祖黃太和得道處有水雲亭石柱上有蔗境
二字宋淳熙中四明趙蔗境與滂見之惘然有感題
詩云詩題蔗境不題名墨跡懸崖碧薛平遊宦來看

心忽悟前身應是趙先生其別麓有海音洞白雲洞
洞有三天門石磴七百二十級始至洞有水懸注名
吼雷湫有潭曰印月潭明萬厯中僧悟宗所開鼓山
之支曰鼓岐曰魁岐嶺曰蕭灣曰蓬崎曰臥午蓬岐
山多奇石有蛇洞南至**君山**去城六十里由鼓山折
於江有石如劍曰劍山而南在永北里山上有
崑崙石室下臨馬面仙潭其東為朏山有石若芝名
仙芝石又有三生石九眼泉凡十八景其南為石鱉
山山枕江濱上有三石形如鱉有溫泉井又為疊石
山前有靈泉下臨絕壑巨石周匝復有疊石傍繞如
龍又有院跡山磧源山玉頂山下**鳳洋山**在江右里
有龜嶼洋嶼猴嶼殷嶼並多人烟兩峯相應
勢如搏鳳舊傳仙人王進才飛昇於此有仙亭遺址
及石床棋枰几案峭壁刻登龍二字地名龍門又有
嬰臺山其旁為銅斗山天馬峯龍溪之水出焉又為
盤石山山頂三石高十餘丈上疊一石方如棋盤其

水出衡山之龍溪為灣三十六合流注閩江衡山其形如鐘路接鼓山又為驚峯山上有潭歲旱禱此又

為石門山兩峯壁立峭拔夾峙旁有重雲山

巖中平坦處有龍井南接湖林北連瀛山

南臺山

出城南門二里烏石山一脉蜿蜒起伏曰橫山迤西南為惠澤山經白馬廟山行數里崇阜屹立俯瞰巨

潭舊名獨山一名釣龍臺山上即山川

天寧山

在時

壇又有達觀亭碧光亭諸勝題咏甚多

自橫山而南度三橋省會第一案也俗名鹽倉山又名掛榜山西為黃栢嶺明嘉靖間邑人陳京鵠望北

臺三字於石因名望北臺嶺又曰

藤山

自天寧山而東地脉起伏

如爪引藤亘四五里故名山多梅有梅花塢植梅萬株直抵程埔可十里許顏曰羅浮春色明徐燾詩有十里花為市千家玉作林之句每逢冬月騎馬看花

尋香曳雪道路相屬觴咏如雲中有明真庵臺南八

景藤山蚤梅其一也今居民混處地多侵據由藤山分派一峯聳而反顧於後為熬頭山為壺嶼山為石

室山俗名北園長松蒼鬱石上鐫雲濤二字折而高南為凰山一名黃山山多礪石下有井亢旱不竭

蓋山

在仁豐里有三峯九島省會第三案也相傳漢徐登脩煉於此山後入永福縣高蓋山上昇鄉

人望而祀之遂緣其名山之巔有仙壇壇有池曰青龍俗名天池有峯曰徐女峯相傳唐開元中有徐水

仙第三女採苦參服食上昇又名苦參山旁有溪曰桃花溪元陳億翁種桃數百本每花時眠食其下層

磴紆迴沿溪而入有妙峯寺又有洞曰蘆灣洞洞口有棋盤石仙人井今建鶴巢寺山南齊姓居之曰齊

坑山地屬侯官山北王姓居之曰北園山地屬閩縣又高蓋之支屬侯官者有盤嶼吳山石姆嶼吳嶼屬

閩縣者平山在凰山之東宋少帝航海駐兵於此劇有義與平其山故名丞相陳宜中手書平山福

地有平山堂今廢南為甘泉山泉湧石山不盈不涸
色白味甘東為瑞迹嶺唐大中間有邵環遊山頓聞
異香白光燦然環跡其光往光化為佛須臾入枯木
光亦不散隨現巨跡於石後人鑿之其跡遂滅錫像
建寺名瑞跡寺又南為邵崎為翁崎有山曰大翁山
清涼山石凡山傳坑山山前有圓石又南為城門山
宋林執善鄭湜宅在焉其巔有鰲頂峯魁星巖中有
白雲寺額書晦翁舊隱處有飛來石石西有龍觀井
其南為虹橋有真隱院且止堂諸勝東南為臚峯名
曰臚雷明陳永祥卜居其下又有石鰲山皆濱於西
江

玉枕山
在峽江南舊為驛傳道候潮之所其巔曰
枕峯有嘯霞洞秋塢紫屏上冷泉青田坂

諸勝山麓有枕與其傍為柘枝山有白雲谷臥龍岡
鳳巢白牛嶺鳴風崖諸勝又南有青布嶺玉水山金
簾峯五代時南唐徐知誥知諤平閩屯兵處也有真
人試劍石又有白鹿山唐元和中僧道洪卓錫於此

誅茅之日白鹿適至下有白鹿溪左曰龍湫潭又曰雷鼓潭龍居之歲旱禱雨多應西曰石官山又有圓

頭山馬山青洋山界福清

大象山

在海洋里去城六十里高聳挿天為城南大障峯曰銀峯山頂

石色如銀界長樂其支曰西峽山下即西峽江有文殊山珠山周遭溪水環繞九山俗名九龍戲珠口黃石脉連珠山有端龍之勢皆江上山也

白田山

在欽仁里即晉嚴高欲徙郡治處山產蕉可為

布嶺曰蕉嶺坑曰蕉坑溪曰蕉溪

九龍山

在至德里去城七十里高挿天表有狂牛嶺毘濟潭

潭下有穴通馬頭江明成化中鄉人入水見水中有石大書毘濟潭三字其支為唐巖西曰洞山有獅子石下為

浮峯山

在光俗里海潮盈則山浮其西曰籌岐上有烏石巖東為玉壺山上有三

台石舊傳此石自武夷飛來宋王益祥居此山之別支曰文筆山濱於江有上洞下洞其地曰營前

羅

星山

在馬江中當省會要害砥障奔流而入於海者也晉嚴高將遷城作圖以咨郭璞璞以馬江水

瀉為病及見此山遂定議上有浮屠俗呼雲門山在唐心塔乃柳七娘所造為其父資冥福者

洋真去城七十里有寺多松竹泉石之勝有彌陀巖觀音巖泗洲巖獅子石坐禪石五里泉望拜石仙掌

石楞伽室吸江亭妙善庵宋孝宗書額又曰石門簾僧安永作頌有路遠懸崖萬仞頭擔泉帶月幾時休

之句南連芹巖蒲峯後灣石龍諸山長江繞於前江中有琴與雙魚與

象山

在合北里其形如象

霓溪貫其中山裔為郭人家環焉有雙髻山從香爐峯逼天而下重巒疊嶂上有龍潭懸巖夾立飛流七

十丈潭前有石屏高丈許東為錦屏兜鑒有笏石動石又覆釜山陽為百洞山五峯疊下中為蓮花峯有

石鯨仙桃石室星窩猿公洞獅子巖石蜓蝙蝠洞洞有五色蝙蝠大者如斗虎館仙掌日輪石鼎一線天

閩風臺蓮花藏諸勝中有青芝寺以產青芝得名明董應舉讀書處有巖曰殷巖梅與有溪曰崑溪孟溪

浩溪與龍逕溪會流龍逕宋時為王埔山在嘉登里鐵冶場偽學禁起朱熹遁跡居此山為張

岐有海雷石石經海濤穿蝕成竅風至激蕩有聲如雷壺江山一曰文筆山距城百里與王埔

山相對有動石甚巨一指推之則搖極力推之則屹然不動前有雙龜巖後有五虎山崎琅崎山

在紹惠里山高聳登之可觀日東有龍井水甚甘冽亢旱不竭與青洋山俱在海澳中福斗山

與雙龜與五虎方山在清廬里去城五十里省會第門皆在海中四寨蒲司正南寨也遠望端方

如儿故名又名五虎山九鼻相向其高千仞四而如城郭有田數百畝漢仙人介琰隱此上有石壇石床

石碁局又有靈壁巖天柱峯地跨閩候二縣山之陰有峯隆然逆馳而西者曰黃巖曰靈源巖四周多橘

柚唐天寶中賜名甘果山其支之趨而東者為木嶺
為塔林又名塔峯山中有平霄臺長林古洞宋林龍
津官尚書幹因呼為**葫蘆山**為方山之支一名梁山
尚幹林氏聚族於此上有紫臺又名紫薇巖
唐末有紫薇公隱此有與曰扈真橫嶺劉真又有五
仙巖相傳五仙圍棋於此五石並列中一石高二十
丈許又為文筆峯為三娘峯為百六峯自方山至此
為峯凡百有六十其可紀者玉水峯富山峯貪狼峯
蓮花峯方巖峯白鹿峯古城峯飛蓬峯紫苔峯太平
峯金仙峯天柱峯朝陽峯金欄峯起雲峯寶臺峯大
座峯玉蕊峯雙童峯其旁小山為石鼓石
壁試頂岱頂之南峭壁數仞下有羣潭焉**常思嶺**在
谿南為閩縣福清二邑界山也高
數百仞袤三里許又名相思嶺

南臺江

在城南嘉崇里與閩江同源至洪塘岐為二
其一南行一北行北行者經釣龍臺為南臺

江納北山衆流過鼓山復與南行者合流匯於馬頭
江歷閩江以達於海上有萬壽橋元大德七年頭陀
王法助募砌造翰林學士馬祖常為文立碑橋
東有洲田數十頃成化初溪流漲陷患入於江直瀆

新港

在河口尾初郡城水闕四一在西門引西禪鋪
江潮凡三十六曲至柳橋以達西河一在水部

門東引南臺江湖自河口直瀆亦三十六曲由水關
入城東西環合以萃風氣明弘治十一年督舶鄧太
監始鑿新港徑趨大江以使曩船往來土人因而為
市東際三十六灣遂廢堪輿家以為不利嘉靖癸未
禮科給事中郡人謝貴疏陳六害奉旨填塞莆田大
司寇林俊有碑記在上王地方但新港雖塞舊河未
復屢塞屢潰迄無成功萬厯十八年撫臣都御史趙
參魯採輿論毅然塞之國朝康熙十三年耿逆謀
叛謀商賈重利復開此港
三十六灣之水復盡廢矣
馬頭江東通大海中有馬
頭石潮退則現

上洞江

馬頭江左次港也

下洞江

馬頭江右次港也中有獅子石與方山對峙巨浸不

沒諺云水浸方山鼻不浸獅子耳

淘江

亦名瀨江與西峽江相會微風激之聲如溪瀨故名螺

洲

在方山北週迴一江環洲居者數千家

投桃洲

在馬頭江中其形如桃洲中有田幾千畝

西峽江

兩山夾峙有東西二峽中流有石屹然名浮焦焦下有潭名中焦龍潛焉受汀邵延建古

田閩清永福之水者曰西峽受西峽南臺之水者曰東峽

義谿

在西集里俗呼大義方口即宋陳愷

榮舖里也源出白鹿山出十五里為格溪跨綠榕橋以達義谿匯入於峽江

苦竹溪

在金鰲岑

下岑左龍湫潭激水湍急下通此溪

侯官縣烏石山

在城西南隅與閩縣九仙山東西對峙唐天寶間勅改閩山宋郡守程師孟以

登覽之勝可比道家蓮萊方丈瀛洲改為道山建亭其上曾翠為記有天章臺坐禪石天台橋鵝浴池蟠桃塢金剛跡初陽頂向陽峯天香臺清冷臺望湖峯華嚴巖唐嗣聖中有僧持華嚴經於此雷雨大震劈石成室又有石觀音像僧廣惠刻謝公浴堂金蟠穴後唐天成間石穴有巨蟠鱗如黃金蟠屈六七丈王氏命運土塞之有德泉亭射鳥山石天薛老峯鄰霄臺仙井般若臺落景平崔公井鱗次臺頭陀巖放生池長樂臺道士井冲天臺宿猿洞天秀巖清虛亭亭初建時四面材瓦土堊皆秤而後建約曰損則勿修脩則必壞國朝康熙十年重建旋壞

越王山
在郡城北半蟠城外東聯治山一名屏山又名

平山為閩越王無諸舊都唐刺史裴次元闢毬塢於山南構亭為記有望京山觀海亭雙松嶺登山路天泉池阮琴臺筋竹巖枇杷川荻蘆岡桃花塢芳茗原山陰亭含清洞紅蕉坪越堅橋獨秀峯篋雷坳八角

亭椒盤石白土谷連漪亭東陽陂分路橋乾崗岑木
瓜亭石堤橋海榴亭松筠陌夜合亭得景几二十九
又有飲馬池越王井曲水苔泉琴石環岑亭
絕學寮諸勝又山巔有樣樓詳見宮室部
冶山 在城

東北隅舊屬懷安歐冶子鑄劍處故名閩越王故城
即此山之西北宋治平間曰泉山熙寧間曰將軍山

芝山

越王山之支也在城東北有芝草生故名與靈
山聯屬歷代營建鏤鑿殆盡惟藏經堂後微存

岡阜今皆為民居矣
靈山 在芝山東後唐同光初閩王審知備
銅三萬勛鑄鐵辟支佛像鎮之下有

古井深不可測天祐間又塑毘沙門天王像黃滔作
碑記云阜寺之良控城之乙祖僧六葉雁其下珉石

一拳星其上
閩山 烏石山之支也有巨篆閩山
百萃蒲鯨六吼二字又名玉尺山宋程師孟

知郡市時常遊
鐘山 在城西南隅舊屬懷安縣閩中
此有詩見藝文記云梁太守索士俊宅後有小

亭時開鐘聲後捨為寺即今之大中寺

品石山

一名臥龍山出井樓門迤西五里有三石圓聳

如品字名品石巖叩之諸山皆應又名應石有箋經臺宋大中祥符中僧可度箋楞嚴經於此又有得愛亭宋元絳有詩又有萃楚亭元錢光弼暨有石刻其北為浮倉山相傳為閩越王積貯之所又晉太康中鑿東湖是山在湖心上平下方若倉然故名又東北為東室山即古戰坂戰坂之西為閩窰龍腰

山即越王山之半蟠城外者為郡主山下有水源接東湖之埧與潮汐通古云龍腰不可鑿鑿則不利

今已開鑿無餘而邱塚與民居相半矣其北五峯山郡社役壇在焉又北為義井其與城北諸山聯屬者曰銅鑿山竹柄山螺峯山馬鞍山大鵬山杜塢嶺程田山西室山拜郊山即閩越王燭柴處也其上有壇址

昇山

距城北十里舊名飛來相傳越王勾踐時自會稽一夕飛來今鑑湖即此山之址也陳天

嘉中西巖上有鐘磬之音改名靈巖唐天寶中仙人任放於此昇舉因名昇山今洗藥池任公臺遺址猶存山有靈巖寺又有紫雲臺靜遊亭亭西有熙春臺臺東有不溢泉鬼磨石昇仙巖采芝巖息龜池覽秀亭諸勝按任放唐天寶間人而陶隱居集云晉太康中任放自茅山往居大鵬山王霸宅得金版仙訣宋曾鞏詩有任放燒藥洞門深之句又云獨窺金版驚人語明指晉任放非唐任放或曰敦即放字之誤

鳳池山

在昇山之西山均有池四五畝常有五色鳥浴於此故名閩王審知初葬夫人任氏於此

山後甯知辛亦翼焉是時山猶屬閩縣宋太平興國中始析入候官元絳為郡守始披荆榛而大之山之西石壁峭立

蓮花山

距城北二十里山形上銳下圓有水簾泉若菡萏然郡主山也南憑一阜

土色深紅曰胭脂山閩中懿王改葬於此其北為北崩湯嶺路通連江

芙蓉山

距城北六十里

山形秀麗若芙蓉然別麓有洞曰靈洞洞口可丈許
紆迴十餘里遊人篝燈束炬以入乍廣乍隘紺乳時
滴陰氣逼人火色青閃內有五代僧義存所闢
開山堂石床石鼓石盂猶存過此莫窮其源矣

九峯

山

距城北七十里由長箕嶺龍跡石而入山巔奇峯
九出削拔如指月夜憑高眺望岩石欲墜嵐光似

畫松青竹翠中恍見飛霞九點有鉢盂峯桐廬峯象
鼻峯古竹林雙珠嶺寒拾巖羅漢臺臥龍橋仰山亭
月心潭諸勝舊有寺唐

壽山

與芙蓉九峯二山對峙
咸通中賜額柳公權書

瑩如玉柔而易攻大者一二尺許蓋珉云距山五里
又有五花石坑石具五色惟艾綠難得今開鑿盡矣

又北為黃巖山在西室山之東有瀑布高百餘丈聲
聞里許其巔有仙井有石曰盤石迤東諸山曰澗田

山龍

雪峯山

距城一百八十里高四十里蟠踞候官
密井

羅源古田閩清四邑舊名象骨峯唐乾

符中閣越王問山僧義存云象骨何奇答曰山頂暑月猶有積雪遂名雪峯黃滔為作碑銘其山有鳳凰岡烏石嶺應湖泉鰲山閣枯木庵留香臺乘雲臺無字碑古頌云一片如屏紫翠間風吹日炙鮮花斑莫言箇乘無文字要在高人着眼看又有難提塔望州亭臥雲臺文殊臺白雲臺蘸月池旁有古杉乃閩王與僧義有手植有湯泉有水磨義存題云憲前永日無狼子磨下終年絕雀兒至今信然又常驅木偶人轉輸糧食有鞭闕石虎跡石萬松闕羅漢巖化城亭有潭曰豐澤潭龍二年一興興則暴雨漲溪衝屋迺以鐵纜纜之上鑄鐵佛縫蟬皆飲以鐵其旁諸山曰丁山山勢橫豎一麓衝出如丁字曰松嶺曰雙髻山小箬溪之水出焉其麓有溫泉下為湯院上中多美石又西南曰梅埔山下有潭舊志云潭中有鐘莫知年代唐貞元中僧惟亮欲取之見蛟龍出沒遂不敢遷其木多梅梅溪之水出焉又西為小箬界古田

大夢山

距城西迎仙門里許明萬歷中郡守江鐸錫廬山二字其下有方池元時隱者居此鏡曰

墨池西南有平章池元陳有定別業一曰西陂迤北為貴安山有井曰貴安井其在西湖中者曰孤山有

開化寺

梅亭山

在一都紆迴為佛國山為火烽山為保福山為羣鹿山有泉曰鹿乳泉又北為

文山宋處士鄭育所居

桃源山

在萬安橋之西一名通谷山有石如笏又名笏山有仙冠石紫

巖亭高潔臺一線天六華巖諸勝有井曰桃源井元旱不竭西為靈光山有橋曰靈光橋溪曰桐溪石

崑山

在桐溪上流即崑縣舊址其山秀拔多石歲覺增長後因火不長為越王遊憩之所有亭今廢

其驛曰芊原芊原而西為沙溪山為葛岐有李綱墓為靈峯有洲曰甘蔗洲又西為五奇仙山五石秀聳

相傳有仙居之為永隆庵山其峯為玉几峯

凰山

在草市都柳橋之南平田中一峯突起一曰黃

山南即怡山仙人王霸所居
也一名西禪山周圍多荔枝
清泉山與高安山相連

祭酒嶺又西為洪山亦名洪塘有嶺曰東岐嶺枕江
曰妙峯宋林通著書於此名妙峯集山下有郡人曹

學佺石倉園旁曰
塔湖亦名小金山**旗山**在洪塘江之西山巔歌側其
形如旗曰翠旗山與鼓山東

西對峙郭璞遷城記云右旗左鼓全閩二絕有仙人
石勾漏洞旗尾堰諸勝溪流前繞曰錦溪山之南麓

曰太平山亦曰北與渡合山橋有爐峯屹立於闌闌
間者為南與民居鱗次如一市廛江水貫穿於二與

者稱蜺江亦稱水西明鄭善夫
書旗山第一峯大字镌石上
雙峯山在五都山形
相聯如筆架

又名白鶴山山窠中曰仙淙山一名仙宗松徑縈紆
十數里白鶴巢焉澗水泠泠有聲每與鳴鶴相應其

東曰芝田山
曰崩東山
象山在旗山之西山形外抱中平蹲伏
如象上有觀音泉又有洞深里許

多蝙蝠下為梅溪盤旋十餘里澗水磅礴梅樹萬株
人居鱗次東為崎頭山上有仙人石下橫長江曰渚
江山半俯瞰清流有磯臨水曰醉魚又有石如鐘下
懸於江者為懸鐘崎其旁曰蘇岐山尋山月山龍岐
山俱在

龍湖山

在岐頭之西俗名土牛下有溫泉又
有龍湖旁有小臺山過此為永福界

花巖山

在十都距城七十里又名巖頭周圍有六橋
其西為華隸山為赤塘山有巖曰月巖董巖

環與赤塘之西有石門山二山對峙中貫清溪望之
如門旁有小阜曰起山又西為龍潭山潭有龍歲早
禱雨有應有靈石四若龜蛇印劍狀溪源之水出焉
東為龍臺山俗名侯官市與赤塘山對峙其西為竹
崎為唐舉山上有圓通閣祀馬仙其傍山曰

古靈山

一名大帽一名席帽千峯奇俊前有文筆峯特峭拔
宋陳襄居此今有祠山腰石室曰太乙巖一名小方

廣西南隅有甘泉多生藍草有月山崖崖如半月有
安德泉懸崖甘列如匡廬瀑布有碧玉潭水流清駛
潭底五色石子燦若機錦又有落鏡橋小天台蟠龍
石逗雲亭後灣渡諸勝元吳海有碧玉潭記其南麓
為福瓜山與古靈相屬三灣直下分派如瓜宋潘柄
頂山瓜山元鄭潛居此潛子居貞明靖難時坐黨籍
死其友為南陽山山巔有塢岡潭四以風雲雷雨為
名巖石險怪人跡罕到每潭濶丈許有龍居之潭中
雲霧騰涌則大雨隨陰崎山一名仙崎與陽崎山隔
至鄉人禱之多驗江對崎山上民居稠密
江水蜿蜒出其下元鄭潛雞籠山在雲塘山之東一
置義渡焉其旁為芒山名斗門山西為鳳
岡週圍荔枝數十里中有三十六宅宋劉彝諸賢所
居曰劉宅西南為鳳冠山逶迤三小阜鼎立田中者
如三台為台與一名瓜嶼宋建州司戶陳嘉言築書
隱堂於此南為陽崎山唐子野隱居處今為陳氏聚

族有巖曰楞巖怪石奇卉為一方
之勝又東為吳山相傳吳父隱此
長箕嶺一名長機

通古田羅源二縣內有賢塲宋禁偽學朱熹嘗避地
講學於此有庀犧谷山後高峯精舍即宋儒黃幹歸

隱**桂湖**一名貴湖在嶺北四十二都犀山環合清溪
中注平曠如盤週迴可二十里村落皆背山

臨流僅通一徑險阻可守中有湯泉出鉅石間石形
如帽土人呼為鉢帽石又有靈峯五雲大冥石竹壠

諸勝

閩江源出浙江之龍泉建寧之浦城崇安合汀邵延
及古田閩清永福諸溪之水至此入海大抵閩

江承上流抵馬瀆江始漸廣而緩至馬頭江則衆流
所匯浩瀚無涯統名曰閩江所異者隨地易名耳

螺女江在府城西北十一都上接水口下引閩江方
輿勝覽名螺江搜神記云閩人謝端得大螺

如斗畜之每歸雙殮必具端倪而伺之見一妹麗甚詰之曰我天漢白水素女上帝哀卿少孤遣妾具君

膳今去留穀與卿端用以貯糧其米常滿馬瀆江在

三都上接螺女江
呂江 下接洪塘江今芋源
洪塘江 上接馬瀆江

諸水一入南臺
陽崎江 上接洪塘江歷鳳岡至
蜺江

其地出蜺
浯江 受永福諸水
澤苗江 源出永福
陰崎

原出旗山
江 受永福浯江澤苗
金鎖江 在城南七里一名金崎

曳引至盡金斗見馬急挽之俄
沙溪 源出分水關經建劍而下至芋

絕僅得數尺詔許立廟曰金崎
桐溪 俗名桐口

源合流
仁溪 在二十五六都源出連
桐溪 俗名桐口

於江
江縣西北注於馬瀆江

大目溪

在三十一二都源出古田

小目溪

在十六都源出永福

陳塘溪

在十都

白龍洲

與甘蔗洲俱十五都

芹洲

在十二都周圍二十里民居鱗集

城中水

舊鑿

二河設水關四東北在湯門以洩諸山之水東南在利津門海潮在南臺入者由河口繚繞三十有六曲始達於城而與東北之水會總名直瀆浦城西南隅亦設水關通洪塘潮由西禪諸浦亦繚繞三十有六曲達於城北北則西湖水入與之合河自譙樓南還珠門北橫亘為第一水曰大橋河又南至安泰橋橫亘為第二水曰新橋河東河自東水關北行至左衛前止與大橋河合西河自北水關南行至常豐倉前止與新橋河合又鑿龍鬚河二一自譙樓左經開元寺前至剃刀橋入河一自譙樓右經大中寺前至舊按察司前橋入河相傳晉子城河也宋劉克莊有潞河記明末常通舟楫國初兵馬屯聚漸致淤塞康熙

熙間總督姚啟聖金世海閩縣東南距海海潮南則
禁先後開濬今稍如舊海由粗蘆門北湧東則由閩
安鎮西湧皆會於馬頭江復分為二一入西峽一入
南臺復合於馬瀆竹崎與水口下諸溪相接仍回流
而沙馬是潮也在永北合北里猶無鹹鹵至馬頭江
則皆淡矣潮至郡城下分為三派一由水部門入城
一遶城南一遶城東皆與南臺江通者也浸淫及於
陽崎古靈浯江瓜山諸處旁入港浦幾徧侯官縣界
其瀕海可耕之地唐太和中閩邑令李茸築石堤跨
閩與長樂東界以障鹹鹵墾田無數又有一等洲田
潮至則沒禾退仍無害於禾不假人牛而收獲自若
有力之家隨便占踞但東流西復遷徙不常利害亦
相當云今將潮信具列每月初一十六寅正三申正
三初二十七卯初三酉初三初三十八卯正三酉正
三初四十九辰初三戌初三初五二十辰正三戌正
三初六二十一巳初三亥初三初七二十二巳正二

亥正二初八二十三日初子初初九二十四午
初三子初三初十二十五午正一子正一十一二十
六午正四子正四十二二十七未初三丑初三十三
二十八未正二丑正二十四二十九申初一寅初一
十五三十申初四寅初四此潮信之候也江潮常緩
海潮三刻至入府城內外諸河則愈緩矣猶當視其
遠近為先後各以意推其他海舶貿易往來淮浙交
通之間各以十五潮為率蓋水路視潮次停船猶驛
舖也潮隨月長晝夜至如符契商舶估載趨避不爽
五代閏時納貢吳越宋有鹽稅歲運福清長樂糯米
舳艫相銜明無海運而泛海之航所在多有國初
遭海禁密人各就就守法康熙二十一年總督姚啟
聖疏復還界閩縣東南一隅與長樂福清連
江瀕海之地民復田廬之樂共慶更生云

長樂縣六平山

在縣北里許蜿蜒六曲中有小石洞壁
上勒第一山小有天字跡頗奇宋寶慶

中大博陳俞居其下又名太博山傍有二山曰四明
高列四峯曰石臺其峯曰松石有天王閣枕流軒望
江亭樂壽臺諸勝西有金雞山明林鴻詩一徑入松
蘿山泉濯苔髮又北曰首石山山巔有石高二十餘
丈廣數十步中有泉穴四顧皆見水又名四水石
山巖際有石自下望之宛然白鶴又有龜息山 鰲

頭山

在縣南其形若鰲縣之案山也又曰南山山勢
迴環宋孝子鄒異廬墓於此有芝草甘露之祥

其西曰登高山重九日邑人登高於此其南有五峯
並峙曰五馬山三峯並峙曰三峯山又有董峯山相
傳仙人董奉居此其巖曰董巖上有神披髮裸身見
者必獲福又名福山董峯之西有蛤山有定山其峯
曰龜峯巖曰清公巖僧智清寓此又有柯林山以宋
鄭洙名其峯曰紫薇有白龍潭又一峯對峙曰翠微
俱吳航之秀其旁山曰紗帽山曰福
州裏山蛤山之旁有與曰赤嶼蛤嶼 龍泉山 在縣東
南中有

五峯曰臥牛曰仙冠曰品石曰梯雲曰蓮花仙冠之麓有巨石朱熹勒朝陽二字南連福湖山有峯曰獅子有石曰梯雲朱熹勒魁龍二字又名魁龍山其旁山曰石馬曰桃坑迤南曰阮山曰鼎峯山界永福閩清二縣曰栢山有釣鰲石有洞曰歸愚潭曰搏鈔

靈峯山

在縣東南五十里山多靈勝有曾公

巖香爐峯獅子石歸雲洞半月池品字池佛祖巖羅漢臺其麓曰龍龕一曰天池山上有石池其西有鳳凰山屏山在縣東南四十里其高與天池埒有五鯉石山馬又名鯉石山其麓曰多山有石門可憇百人下有石如船迤西為蓮花山疊石若菑菑又名衛國山山形有捍禦之勢故名一曰御國海外島嶼入貢必視此以識海道明洪武五年駙馬汪原過此勒雲山天海四字於石曰鐘門山在海中相傳有僧自廣南載鐘經此而沒潮退時有見之者又曰壺井山井在山陬其狀如壺潮至則鹹潮退即淡迤東曰聖

娘山中有天妃宮林湊湖在其下曰冠峯山有石如
進賢冠曰仙山有七星井宋尚書鄭丙鑄龍泉二字
於石曰五雲山唐僧道深過此五雲覆之故名曰藍
田山曰斜頭山曰牛山曰鼓角山曰鴻山其峯曰冠
巔突起田中巍然高數丈宋尚書張鎮勅龍首二字
又曰龍翔峯有豹變巖與此峯對峙曰鰲頂峯曰雙
髻峯曰魁山曰文筆峯龍角峯曰鸛山山多鸛鵲石
窪有水雖旱不竭鵲浴其中又名鵲池又有一石擊
之如磬名響石有嶺曰榕嶺即沙嶺曰登賢嶺曰卓
嶺曰魁嶺曰半嶺曰孝義嶺又海中有石對峙曰王
母礁互見
古蹟部 芝山 在縣東一名龍潭山中有二潭曰白
龍曰祥雲相傳有二龍從演江起白
者歸山陽曰白龍潭黑者歸山陰曰祥龍潭相傳有
人獲卵蔽於潭側大如斗又東曰礪峯山形若香爐
又東曰碁山上有石臺相傳二仙奕碁於此至今臺
旁荆棘不生又東北際海曰广石有閩王禁石互見

古蹟

梅花岡

在二十三都即梅花所也與广石聯絡濱海明謝杰奉使冊封在梅花澳開舟

有詩越遷山

在縣東北山高聳周圍三十里越王勾踐七世孫無彊與楚戰不利子弟徙居南海

上此其一也其旁曰靈山有巖曰古爛東曰壽峯山一名龍峯一作壽巖唐林慎思讀書處有德成巖朱

熹謂慎思德成於此故名又有晦翁巖奇峭幽絕逶迤數百武有石對峙如削為石門宋乾道中劉砥劉

礪築精舍於此朱熹避偽學禁來此二劉師事之熹大書讀書處三字鵠於石門之上故名俗呼為三寶

巖其巔有海天山月亭有峯曰金峯曰雁峯雁峯臨嚴湖上在水中中央其小阜曰蟹山湖旁山有勝迹六

曰六奇山有潭曰石鼓水淡潮不能雜

太常山

即大斛山左接壽巖右連石首其高若為羣山

所尊者故名太常之陽有巖曰從龍曰風門風籟日夜不絕其陰有巖曰浮崎巖有三十六灣北接閩縣

界曰提麻嶺曰潭頭嶺曰香爐嶺

岱邊山

在縣西南巔有巨石十餘大有泉清冽旱禱輒應其

下宋秘監陳宋霖故居也有嶺曰瀉水嶺吳宰嶺宋知縣吳節家其下故名其旁山曰龍門山即半占山

曰戲峙山翁山嵩山其南為牛壠山巍然邱阜四面小山環抱中有田可百餘畝又南為三山屏風山郎

官山界連福清又有七巖山溪涓涓山頂有湖廣五畝舊有人剖巨蚌得珠因名珠湖又嶺曰石尤迤東

有石牛山中有月窟池又瓢窰山有潭四時不竭又天馬山有槐峯獅崙又白巖山有白雲洞又嵐乾山

有桃源洞三台石

龍爪山

在縣西北上有石臺宋紹興間有龍爪樹騰空而去故名

海馬頭江

在縣西磯湧

壺井江

在縣東南中有山名壺井山潮至則沒有泉清

測可給數百家平沙中產海錯居民利之

广石江

在縣東江上居民繁夥以漁為業

梅江

在縣東以上
並注於海

觀音溪

資聖溪

黃弄溪

竹林溪

俱在
東北

中溪

星溪

即獵溪

三溪

沙坂溪

後洋溪

俱在

縣南並
入於江

祉溪

大溪

龍下溪

大畚溪

宏源溪

皆縣東
達於海

太平港

在縣西隅即古吳航頭也明永樂十一年太監鄭和下西洋泊舟於此奏

改今名東
有小洋街

福清縣鷺峯山

在縣北縣主山也五代漢乾祐三年有異禽來集或以為靈鷲也故名又金翅

山在鷺峯之北其南曰玉融山縣前案山也有石壁然如玉故名左有雙旌山兩峯峭立若旌右有五馬山五峯騰踞有五驂之象其麓為覆釜山

瑞巖山

在縣東山多奇勝有佛窟巖天章巖香山洞天

台洞玉座洞桃花園休休廬醉石鑑池通海井一滴
泉八卦亭紫霄亭義鹿塚明嘉靖間戚繼光於山北
開大洞天有宜睡洞歸雲洞振衣臺望闕臺諸勝其
旁諸山曰鹿角山有石如鹿角中有仙篆數字人莫
能識旁有仙井深不可測曰烽火山在鎮東城外海
道有警則舉燧於此山頂有石室三十六間名虎屋
曰網山民皆業漁宋林亦之嘗作亭請書其上扁曰
月魚又曰鍾山曰龍山亦名瑞峯海口鎮東二城在
焉其巔有石塔可觀海日西麓有紅蓮樓疎野堂下
有粗犇潭南麓有林光朝草堂又東曰龍臥有龍潭
有五馬石宋乾道九年禱雨有應為立龍堂焉曰斂
石有斂石潭曰拱辰有三峯其勢北拱形如牛角俗
呼牛角山下有石洞風颭颭從洞中出深
窅難入其旁有石鼓石盆仙人跡煉丹竈
石竺山縣
西山形峭拔有石巍然上粘蛤蠣殼其產少竹而多
筍春夏之交鄉人於此採筍欲多則不可得號濟貧

笋有古藤高數十丈藤子圓大如棊有羅漢臺普陀
巖靈寶觀梁時林真人煉丹於此後騎虎上昇又半
山亭及紫磨峯獅子峯象王峯何氏九仙所遊也明
王世懋有記旁標一石云別一洞天左望積石其平
如臺或似人立所謂仙人坪也折而右有觀音巖巖
左三石攢立中有窩曰化龍窩石紋如鶴曰鶴影石
最上一石如碑刻蓮壺二字過此為紫雲洞左得平
壤為九仙閣遠近多乞靈焉下望無患溪樹籠一小
阜昂首銳尾宛似一魚為仙鯉石由大士閣折而左
可望龍江又石崖上有圓竇曰出米石旁有大石曰
醉石是九仙醉臥處由摘星臺度二石梁上有石屋
云是仙人丹竈山下為虎跡崖仙井仙桃石其巔有
狀元峯仙棋盤
仙履跡諸勝

福廬山

舊名郭廬山有郭姓居其下
邑人葉向高更曰福廬有三

天門千人坐玲瓏洞異香洞鳴玉洞飲虹洞雲關石
室諸勝山下有牛田塲明戚繼光破倭於此又有靈

巖山與福廬相連中有觀經臺禮
斗壇嘯臺龍湫諸勝吟咏甚多

靈石山

在石竺山之東磅礴

百餘里峻拔逾千仞三峯九疊其勢神天層級可數
有香石手摩之有香氣故名靈石中有十勝曰九疊

峯曰通天石曰報雨峯久晴鳴則必雨久雨鳴則必
晴曰仙人巖曰仙人碑曰偃松亭曰竹簾軒曰留雲

峯雲或經旬不散曰碧仙洞曰戲龍瀑有靈石寺中
有蒼霞亭朱熹書扁有蟠桃塢外有山界於永福與

靈石並峙者
曰仙梨巖

黃蘗山

在縣西南山多產黃蘗故名有
峯十二曰佛座曰香爐曰吉祥

曰寶峯曰鉢盂曰報雨曰寶月曰羅漢曰天樂曰屏
障曰天柱曰文筆瀑布淵湃瀉巖石間止而為潭龍

居之山有黃蘗寺寺西有嵩頭陀巖乳香出石罅中
梁江淹有紀遊詩唐宣宗與黃蘗禪師觀瀑布聯句

千巖萬壑不辭勞遠看方知出處高溪澗豈能留得
住終歸大海作波濤有洞曰蟒洞又南臨逕江曰金

鰲山東為聞讀山唐水部陳棻讀書處舊名小隱巖朱熹大書聞讀二字其上有過雲碣潛公室講經臺

獅子

雙髻山

在縣南巔有石壇旁有石自鳴曰石鐸有峯曰靈峯雲峯鷓鴣峯有巖曰白澤

巖巨石下覆中為石門可坐數十人山之西有瀑布高數千尺下瀝為三潭清徹可鑑又南為草堂山又曰蒜嶺登其巔可望海舊有照海亭及唐翁承贊庄今廢巖西有石馬峯刺石馬泉三字海中有石高數丈曰盧焦石南有巖曰白巖雙巖草巖鹽巖南日與白巖有鴻休巖僧鴻休居此又有烏窠巖烏窠禪師居此雙巖旁

海壇山

在縣東南大海中其山如壇週七百里為海中諸山

之冠山多嵐氣又名東嵐山唐時為牧馬地宋初置牧監尋罷山舊產馬毛鬣有異文相傳為龍云山中居民布散村落不一南曰黃崎紫蘭牧上砦頭小鰲網大鰲網小塲大塲沅頭許頭錢藏西曰水馬山霸

前金崎北曰蘇灣鐘門沙溪東曰浚門瀨步軍山流水廣州埕明洪武二十年以倭寇猝難備禦盡徙其民於

小練山

在縣東海中山周十里旁有大練門小練門五代時有盧皓林甲者自光州從

王氏入閩卜居於北宋時族姓蕭盛構義塾以教子弟及里中兒其後科第相踵人號小瀛洲以為海賈互市之處又號小揚州後與海壇民同徙又東大海中有山曰大姨山濱於小琉球舟楫罕至每光霽時極日東望一點空青微浮海面即小琉球也俗傳望見三日中必有暴風其水深碧色東流不返有浮莎錯織水上舟不容轉舵必剗木為盂乃能旋間浮莎以行暴風一作漁艇必為所漂漂者必至其界至則人為其國所獲即以藤串其踵令耕作山間

螺嶺

在縣

北六十里青黛如螺北瞰方山半隸閩縣有巖曰五周巖相傳有周姓五兄弟隱此俱得道上昇又有七

仙巖相傳七仙居此有洞內通長樂界有巖曰石尤曰傀儡下有怪石人呼輒應曰應石

海

在縣東南潮沙儿二派一派入海口鎮一派入迎仙港有灣有網門西洋半潮五里抵鐘門嶼五十

里抵大小練一潮八十里抵鹽嶼一潮五十里抵海口鎮東洋一潮一百五十里抵東牆外屬東洋數百

里外淡水界南洋由海下寨五里抵石湖一潮一百里抵水馬門一潮一百一十里抵斧頭一潮八十里

歷塘嶼一潮一百五十里抵東樂西樂洋一潮一百五十里抵磁湧遠迤前抵南交屬長樂縣界 **龍**

江

在縣東南十里上接龍首河 **迎江** 一接興化縣界金支大澤一接黃蘗山鐵場邊口北流併

漁溪蘇溪下會迎仙港

鹿角溪 **盧溪** **交溪** **無患溪** **東**

溪

西溪

以上溪並注於龍江

漁溪

蘇溪

注於江

連江縣龍滌山

在縣治北縣主山也岡巒如龍滌水決溪而下有潭曰五峯其西曰西山宋李

彌遜歸隱處又北為龍臥山為湖山舊稱湖山古道

塲唐景福中有桴浮香爐及書硯漂於崖側邑人立

祠祀之其麓有筠溪

釣臺即彌遜漁釣處

覆釜山

在縣東南山巔有巨石如覆釜其峯曰南乾有

仙人棋盤石曰北乾有巨石不着苔蘚形如紗帽曰

矩庾相傳矩庾二仙居之又有金鰲石門玉華洞王

人峯石鼓半月池清陰洞關牛石石魚澗五臺石覆

釜潭諸勝前有大坪山山頂坦平如平地其傍曰金

雞山有真曰梅與嶺曰連

雲居山

在縣北山巔有石塔塔旁有雲居堂

江嶺東峯嶺有峯曰笏峯

堂前大石壁立刺天上雲居人問仙景八大字去堂

二百步石上有仙人跡長二尺許有蛤蚌殼附其上

有龜石蓮花石狀若蓮花周圍有瓣輕搖則動力撼

反否西麓為東岱山又北為香爐山圍石刻黏雲二

字為第七十一福地謝真人居之唐詩有章仙壇里
人章壽得仙於此石鵲章仙峯三大字有磨劍石煉
丹井掃壇竹石棋盤又有童井深僅尺許不溢不涸
相傳有青衣童子撥草取水乘雲登香爐峯而去故
名東北為九龍山一曰荻蘆山下瞰九龍江其旁曰
龜魚山馬鼻山定岐山福斗山玉樓山有嶺曰透嶺
有嶺曰鶴嶺後嶺有石曰髻美石又有馬鞍山鵝鼻
山相次東際於海又有三德山峙於海門又東北大
海中曰上竿塘山有竹彪湖尾等六灣下竿塘山有
白沙鏡塔等七灣居民皆以漁為業明洪武二十年
徙其民於縣
治二山遂墟 **玉泉山** 在縣西里許上有玉泉巖泉出
洞仙桃巖擁秀堂清澗閣明月軒流杯亭諸勝其北
為鳳凰山文筆山張旌山文殊山白巖山有嶺曰陀
巖俗呼臺市曰白蓮嶺曰俞裴嶺皆有
俞裴居此因名有巖曰洄口曰寶華

東坂山 紫

霞山

羅漢山

俱縣東北迤西為降虎峯相傳有虎中前至僧法詮庵前若有所訴詮為

去箭數日瘡愈後虎復來邊漸馴狎故名中有雷移石虎跑泉古洞峯諸勝有巖曰紫巖白巖有巖曰三

望海

在東鰲江在縣治南橫亘欽平上下二里即連

縣桃洲羅源黃土溪之水東下合磁窰峽口而入於海

周溪

利坑溪

在新安里流入

江鰲竹溪

流經龍塘入海

財溪

發源百丈澗

漁滄潭

在欽平下里江濱有石刻漁滄

天之門

羅源縣羣玉山

在縣北可二百步左隅為丈殊山邑宰林確夢巖中電光四起明晨往視見石

罇中有文殊像遂構殿居之故名山有章笑洞相傳昔章壽脩煉於此迤北曰尖山有王家林巖巖下有

棋盤石傳有仙人對奕於此又東為南華洞宋金華
簿林迥歸隱處中建風月堂左為天地窩右為錦繡

谷又東為鳳山左為下梅嶺
石為上梅嶺有嶼曰鯽魚與蓮花山在縣南即東寶
山有聖水巖元

陳高記有井水云可愈疾中有鑑池泉自池中出石
龍噴注池內其聲泠泠然白玉蟾書狂草於壁上旁

有眠鶴亭有石室室中有金鐘潭前有方池池畔為
壺春亭又有普陀峯下瞰空洞有觀音大士閣有龍

虎巖勢如龍蟠虎蹲泉水自巖罅涓涓流出名曰仙
源上有筆硯峯二石相並立者色白偃者色黑立者

如筆偃者如硯俯臨城市烟樹冪歷景物之勝舉在
目前旁為席帽山羅漢山羅漢水出焉西南為金鐘

鐵障二山又南為松崎山有鶴巖對峙又有石曰仙
人石元泰定中建亭其上今廢石上刻清賞二字

仙茅山

在縣東北兩山相連曰大茅小茅相傳徐登
嘗採茅根於此有泥鼓棋盤石其巔有羅喜

洞多奇石環者如垣敞者如壇級者如磴窪者如盆有泉無源汲之不竭石刻羅喜洞三字山北五里為

洞宮山發脉自武夷高三百八十步有神姥石昔有神姥來自羅源所踐之跡入於盤石有峯曰童子峯

五馬峯有與曰龜與簾山在縣東之瀛洲其石如簾有文筆峯馬鞍山石筍仙人跡感夢泉山羊鼻

石虎雙石通濟橋與簾山為十奇景其它諸山曰福源山中有龍湫曰洪福山曰烏巖山天堂山香爐山

堆禾山有巖曰匹石巖即回仙巖詳見古蹟又有禹步石在縣東田間石印雙武長可二尺又東峙於海

中者曰登高山在縣西南狀如伏象亦名象山上有金爐峯巨石平坦可坐十數人邑人登高於

此有晉時塚上碑各印永康元年始改實勝山在縣東北晉郡為晉邦凡十一字其麓有普賢堂

山最高大黃沙溪之水出焉其旁為金粟山山半刻妙喜洞三字於石山後為太白巖有巨石石下有龕

又有紫霄巖即石八娘巖詳見古跡
上有飛來石道者巖有嶺曰龍嶼嶺
四明山 在縣西隅一名

毒火山山有四峯故曰四明中有石洞有窟泉相傳
赤松子煉丹處時聞絛竹之聲有棋局上黏牡蠣殼

萬石山 在縣西北山多異石有如盤者龍者鼓者邑
稱奇觀旁諸山曰曹山曰梧桐山有嶺曰西

洋嶺

海 距縣治三十餘里
羅溪 源出蔣山南入環溪而達於海
黃沙溪 源出寶勝山流入松

崎 **九龍溪** 自揆村直抵松崎江
起步溪 源出天堂山流接黨洋
港 **起** 溪網灣溪章溪皇認溪

車溪朝格溪至禹步跡會羅溪
併九龍合流從松崎港入海
霍口溪 源出古田流入連江

古田縣翠屏山 在縣北其形若屏邑主山也南為醴醕
山甘泉出焉又為仙亭山元項道人煉

欽定四庫全書

卷三

丹於此其旁曰月山古城山花山

龜山

在縣東山形若龜有洞曰藍洞東有金仙巖一峯突出曰

文筆峯有石曰磨劍石亭曰涵碧亭又東北為牛頭嶺又東曰困關有青山書院向祀朱熹今廢隔溪有

山曰小武當其西有嶺曰塔嶺

五華山

在縣西南五峯連峙峭拔千仞亦名大仙山上有仙樓道

院又曰大佛嶺又西南百里與延平分界者曰清風嶺

北臺山

在縣西里許又西為黃蘗山山

多桃有桃塢桃湖桃溪桃洲春風微和天桃夾岸其傍山曰五花山又西曰九龍山九峯削立中有大石

扣之

極樂山

在縣西北山後有巖曰仙巖巖空若室中有馬仙小像又曰伏虎巖北為鳳翀

峯為天宮嶺為覆船嶺為石崎嶺直北百里有巖曰天平巖有洞龍居之

鼓山

在縣東百

在其西縣有兩旗山一在崇禮里一在杉洋又有馬山在旗鼓之間正南午位山多竹可為楮其它諸山

曰幽巖峯峯後有雷峯晉天福五年一夕為雷所擊
成品字曰麒麟峯曰獬豸峯曰象峯三峯皆以形名
曰大夫峯中丞李
皇臣先塋在焉

水口東溪

流自縣出與嵩溪會

瀨溪

流經曹陽橋與大溪合

桃溪

黃溪

皆入於瀨

屏南縣文筆峯

在縣治南

三台山

在縣治北

象山

俗名牛姆山

走馬山

在縣治東

大丘山

在縣治西

將軍山

在縣治西北

金鐘山

在縣治西北

馬

鞍山

在縣治西北

寶泉山

在移風里內有石龜眼口俱長二尺廣九尺人登其上石亦微

動土梅林嶺

紆迴盤繞上下紀十八層

溪坪嶺

嵩洲嶺

巉岩綿亘全閩

欽定四庫全書

卷三

萬山羅列望之與古田接壤

雙溪

東流發源於滿裡西流發源於後峭至縣治之西南而合流

禹溪 小溪

倭溪

已上三溪俱在二十八都

橫溪

在橫溪里二山志有橫溪口東西流

白溪

流入西溪

菴溪

青溪

俗呼青潭渡以上三溪俱在新俗里

西溪

環繞安樂移風二里

閩清縣臺山

在縣西南山勢平衍縣主山也麓有龍江書院山巔有塔又名石塔山其南為鍾南

山上有巖曰轆谷舊傳有二人累糧入山愁草屋下忽一人自外至袖中出芋數枚撥落葉煨以相啖遲明遂失其處但見木葉盈尺題詩其上云偶與雲水會不與雲水通雲散水流後杳然天地空下有度仙橋舊傳黃天谷訪徐葛二子於此左為芹山邑人白玉蟾居處又西曰名山逸人薛丕居之

鳳凰

山

在縣東北展兩翼如鳳然宋陳祥道居其下弟賜宅其旁曰石竹山猴山又東為鍾湖山下有鍾

潭蛟龍出沒人不敢近山牛有湖環生蘆荻有積水其味特鹹舊傳此水應海潮盈縮歲旱禱雨於此

留錢山

在縣西南唐乾符中大雨錢於山上有聲錚錚然及旦視之以億萬計樹木皆折迤西曰

大帽山接永福界其巔時有鼓聲雲覆其上禱雨輒應曰石屋山山巔有石屋石棋局又有龍都巖高數

百丈雙峯對峙宛若洞門巖下有石榻棋局時開仙樂縹緲聲曰烏石巖唐薛秘監行祠在焉曰朱頂山

唐乾符中山下有池錫者家畜一鶴旦輒飛翔山間因號其山曰朱頂林曰白鶴至今池氏子孫家焉曰

白面山有巖屹立其色白望之隱隱如人面是出溫泉

鼎峯山

在縣西界永福長樂梅溪環流

其下有巖曰雙巖下有龍潛焉宋邑人林正卿誅茅構龍門巷為祈禱遊眺之所黃幹為記其西曰檀峯

欽定四庫全書

卷三

二十七

有桤樹大數十圍根分枝合北通尤溪曰白雲山曰玉臺山唐時有楊姓者煉真於此鄉人築臺祀之曰偃草山相傳宋紹興間張聖為白雲寺頭陀飯牛山下見仙人圍棋山巔亟往視之仙人去奔追不及所經草盡偃因名

大湖山

在二都山巔有湖約半里許唐徐登趙炳得道於此鄉人祀之邑有旱蝗

不禱無不應

梅溪

源出永福山縣西五里入於江

演水溪

源出尤溪

瞿雲溪

源自永福與演溪俱

流入梅溪

永福縣磨笄山

在縣東北邑主山也有極樂巖中有四洞最下洞有二石龍盤繞洞下由磨笄

汴流而上三十餘里為筆架山由極樂巖而下行六七里有圓阜號曰仙掌又東有展旗山當溪之衝襟

帶環抱秀峰可愛迤東有嶺曰峭
嶺其西有楠木岐山澄潭山鍾山

高蓋山

在縣西南六十里峯

巖秀巖嘗有紫雲如蓋故名東西有二石室俗呼名
山室有玉華峯宴玉巖放雲峯水晶簾龍吟池螺泉
石龜石棋盤鳳立臺飛昇壇漢徐登趙炳飛昇處閩
王封此山為西嶽其麓曰金支峯秀挿天表中有泉
色如金故名按高蓋山為道書第七福地初徐登牧
牛山椒遇二人奕遺徐一棋子叱令歸遂精手談因
得脩煉訣趙炳不遠千里訪之徐喜酌酒當共飲時
正直霜月草木彫敝徐噴餘濕頃刻林花遍開今所
居名花林庄及將仙去埋棋子田中涌土成墩植牛
杖其旁旋生枝葉丹成之日與兄弟姊妹七人餌之
同時上昇故其地有七
仙亭及徐趙二真君祠

陳山

在縣南中有石如龍亦
名石龍山循其脊有路

直走興化東有太極山又有斗湖山與陳山並峙其
南有嶺曰臯嶺又東曰六洞仙山相傳有仙居之每

風雨晦冥時有音樂聲曰瑞雲峯所稱七里三狀元
即此地又龍與十八溪俱發源於此曰大張山左有
小張山曰鐵券山唐宗室李氏居之舊有鐵券上署
侍郎韓愈抑有巖曰曹溪巖上摩蒼穹下臨深澗相
傳張趙二真人遊此仙厨仙竈猶存有梅巖世傳張
梅二仙煉丹於此有雙珠現於巖側丹成上昇珠隨
飛去又南有巖曰草嶺迤西曰
龜嶺有宋大夫黃裳廟故址

龍泉山

在縣東三都古靈陳氏先

塋在馬山有小雄澗出為小雄溪山巔有雁湖極高
而深中多蓮藕產異魚古諺云雁湖深雪峯沉雁湖
淺雪峯見元總管王翰及子檢討偁葬此山之東曰
觀獵為閑王校獵處王翰隱居於此後死節人呼為
官烈有兔峯飲牛潭鋪錦灘龍塘噴濺巖諸勝又曰
大樟山其地皆與侯官龍湖山近有嶺曰葛嶺曰創
嶺其灘曰
大小妃山
距城四十里相傳閩越王葬二
妃處有村曰三島村旁有巨石
太原灘

潭上為方廣巖有石室可庇千人未至巖石壁峻峭
有泉如練元王翰鵠飛珮二字懸崖石乳參差下垂
又有玉泉洞瑞松塢鐘磬石懸泉崖瀑布泉龍樹巖
靈羊谷龍尾泉望仙臺清音洞為十奇景宋慶歷間
邑人黃非熊讀書其下相傳有獵人逐獸至其境歸
以告人非熊剪荆剝險攀緣而上遂得此巖即其地
奉浮屠架閣三層不施片瓦暴風疾雨不能犯也巖
前有水簾千尺為瀑布泉又有星巖仙人掌樹仙橋
石天門石芝石笋石竈石臼石甕觀音影諸勝旁有
巖曰懸漢巖左連潛潁巖又有曰九天巖右接普陀
巖巖前百許步有淨瓶石曬經巖獅子巖各高十餘
丈鼎足而峙又東北數里有巖濱溪曰赤壁巖巖色
赤王翰鵠亦**越峯山**在縣西相傳閩越王遊觀處亦
壁二字於石名越王山有鯢潭又巖曰獅子
巖有仙屋石洞跨攄虹橋俯臨千仞深不可測曰西
興巖上有瀑布泉宋紹興間有堅道人得道於此迺

北曰方壺巖有石洞可容數十人有龍泉澄徹如鏡
又峯曰龍都峯一名雞巖昔有仙煉丹於此丹成白
雞飛來守之俗呼為姬巖西有石壁對峙高可三十
丈曰天門中平坦處有佛廬南望諸山皆在履下佛
廬西有環翠樓明黃文煥讀書處其最奇者曰五雞
峯又名金雞罩五巖相聯中有廣洞洞口石刻神仙
第一家曰大帽峯曰杜鵑山曰普陀巖曰靈雨潭曰
一片瓦曰昇天石曰釣龍藹世傳趙真君釣龍處曰
下龍洞曰石鼓峯曰七鼠石曰響石石觀音曰仙庫
曰玉狗曰安泉曰石門洞曰仙竈曰仙童跡曰三百
階有峯曰瑞峯山半
有白巖界連閩清

大樟溪

源自仙遊游洋溪達龜
嶺而來歷陽崎入江

滌溪

源出瑞峯按三
山舊志云溪流

會注曰
滌溪

龍門

北連閩清梅溪之水沿山而流至十
餘里瀉為三灘黃幹有龍門三灘記

洑

口合滌溪
為雙溪
龍與溪
源發福清委蛇盤曲
几十八折而達大樟
鑑湖
在縣東北又名

沖灣潭清深莫測
相傳有龍潛其中

興化府

莆田縣烏石山

在府城內東北明洪武十二年闢城圍其半於城內石崖有左丞雨右丞雨字

元時紀左右丞禱雨有驗今石刻猶存又府治西北有梅峯與烏石相連梅峯西南有州峯上有共樂亭

鳳山

在府城內東南山形甚隱有浮屠石刻八天王像

太平山

在府城外西北自永福界

延哀而來峯巖峻拔為莆之主山

石室山

在府城外西三里有二石室皆廣二丈許又有巨人

跡石上有蓮峯石迤西為大象峯有天泉精舍自大象峯分支有鸛足峯唐時為玉潤北巖

天馬

山

在府城外西三里

鳳凰山

在府城外西南三里陳時邑人鄭露書堂

在馬後捨宅為寺唐黃滔讀書於此又東北為月峯有辛奠花最古

東坡山

在府城外南五里

石如積石上勒淳熙癸卯仲冬朱仲晦登

龜山

在城外西二十里唐僧無了過此見六眸巨龜自澗

泉浮出足躡四小龜回首而僧如作禮者三因名東南有西涼瀑布泉懸崖萬仞飛流如練

紫帽

山

在府城外南二十里奇峯高聳曉日籠烟山色絢紫故名旁有小山曰紫雲紫微又西曰雲峯

九

華山

在府城外北五里九峯攢簇如蓮故名昔有陳仙隱此亦名陳巖山有石洞石竈粘蟻石仙篆

石淘金井琉璃院桃花塢燕子洞諸勝東北有紫霄巖有雷轟石琉璃峽天台橋羅漢洞石鼓石門仙橋仙塚諸勝唐時九牧林氏自中州入闕始居於此後有苦竹山唐僧千靈至此駐錫山鬼拒之僧以鐵釘

與鬼誓曰飲此者留不能者去鬼不能僧自飲之鬼乃適

福平山

在府城外北五里詹歐陽詹別墅在焉按詹與林蘊同學後詹在蜀寄蘊詩曰村步

如延壽川原似福平無人相與識獨自故鄉情自註

云延壽林之別墅福平予之別墅也又宋王詒及弟誥讀書是問時有青永童指階前桂曰試問梅福尋

真隱脚為東坡訪故居後詒誥並推第詒尉古田山為梅福隱處語令歸善屬惠州東坡謫居在焉其言

皆驗

將軍山

在潁溪上西許宋蔡襄有詩紀遊

甘露山

在府城外西唐林攢蔡母

廬墓於此甘露三降故名

囊山

在府城外北四十里形如懸囊唐異僧湏盤塔在馬上有辟支巖虛

敞可容數榻旁有八小石負之玲瓏如腮樛栞凡有小竅徑寸時逆異香前有二巨石對峙如門右復有石高廣可五丈後人剏為藥鑪茗碾下有石坦平可八尺宋蔡襄書陳伯孫詩刻其上字作萬安橋體

九峯山

在囊山西上有九峯院院之左右峯壘連屬有類香鑪之九壘衡陽之九嶷故名九峯

黃巷山

在府城外北二十里九峯之東產荔枝名火山為莆之冠唐黃璞居此

雙魚山

在府城外東北五十里迎仙橋下下為子魚潭產通印長魚為食味之珍王安石蘇軾黃庭堅皆有子魚

詩

戴帽山

在府城外東北五十里山高千仞旁連紫帽山上有鸛鶴巖

東山

在故興化

縣西山之麓曰藻湖宋陳靖故居鄭樵徙宅於此

鄉林山

在新縣南宋鄭樵兄弟讀書處有脩

史堂幻住菴通遊宴於此閣下有靈龜潭歲早待雨於此

大帽山

在長壽峯西北狀如席帽下有

爵山南有太湖坑石門馬尾添綠榕橋

棋山

在新縣西南有仙掌峯文筆峯香爐峯仙人峯出風

穴諸勝又有巖如圓屏瀑布高三十尺下豬為潭有石室深廣二三大

石梯山

自仙遊縣九座

山發脉盤礴峭拔萬餘仞山形如梯浮山自石梯分其土宜茶絕頂有爐峯巖南可望海

山近海陳氏世居其下元陳紹叔自製璫璣玉衡以測乾象其友寄之詩云夜過浮丘月滿山一尊相對

夜漫漫門臨大海風濤壯家有鼓角山由石梯山限小天星斗寒因號其室為小天

出天表自錦亭九龍山自鼓角山北行至溪截然而南望風景宛然

有九龍潭木蘭山在府城西南十五里下有木蘭陂壺公山在府城外南

數十里山有八面其高千仞郡之鎮山也舊經云昔有隱者遇一老翁於絕頂見宮闕臺殿似非人間翁

謂曰此壺中日月也後人因以壺公名山前志又謂古有陳胡二仙陳隱北山號陳巖胡隱南山號胡公

後人改胡為壺朱熹過此指謂人曰背中人物之盛乃此公作怪按古識云水遠壺公山此時方好看壺

公山欲斷莆陽朱紫半自蔡君謨興水利灌民田引
水遠壺公山自後登第視前為多絕頂之西石洞二
間巖壁奇秀人跡罕到有雙井井有雙蟹遇旱以茅
根接蟹沫可得雨又山有栢木一株長數尺半化為
石曰栢化石又有真淨巖靈雲
巖桃花洞蘸月池虎丘巖諸勝
城山亦名穀城山在
里與壺公山對峙舊有松隱竹隱梅
隱三精舍宋林光朝嘗講學於此
塔山在府城外
東南三十

里一名天馬山鞍鬢首
尾皆具又名文峯巖
雙髻山自壺山東北行既隱
復起積石巉巖上摩

霄漢山有五峯側視之雙峯疊聳故呼雙髻正視則
五峯並列又呼五侯自郡城視之三峯鼎峙又呼筆

架山上有
金山在雙髻山東麓下有水名金溪山上
湧泉巖有石室及馬齒石鷄冠石宋林光朝

序云走金溪得蒲弄一席地
即此明柯潛有蒲弄草堂詩
持久山發脈自雙髻山
律宰蛇蜿蜒數里

許入海海中突起二嶼一色鬱蔥名青
大蚶山在府城外

東七十里大海上其山峯聳環翠
柯山由壺山東南行至海而止

舊名松山明柯潛聚族
嵩山在府城外西南四十里其上峭拔上有嵩山院

院後石壁苔紋成文筆峯
華胥山在府城東南背地至此漸平復崛起

為此山下有東西二灣閭市
瓊山在後洋土色如丹故名岡阜聯絡有

松萬株方氏世居於此左為
香山巖在府城外北四十里一名鳧山

怪石巔岼有石
永興巖在府城外西七十里削壁可刻妙高峯三字三十丈上有飛瀑霏霏承雷

春夏間若曳練然舊有巖洞左
白龍巖在新縣西有石獅石象香爐玉女諸峯上下二巖內

極寬廣仰視之有石龍騰驤糾纏其上長可文餘頭
角爪牙鱗鬣皆具有泉自爪牙中出如吐沫然宋紹
熙中復於右側起一石龍盤旋相向
頭角已露其餘尚隱人疑為雌雄云

文筆峯

在新縣後一名

石竹峯層峯疊壁高
挿雲漢縣主山也

越王峯

在新縣東南亦名越王
臺昔越王嘗築臺於此

遺址石礎猶存旁有三燈峯傳為越王舉烽火之所
峯西南有湖每風雨晦冥湖中常有鐘聲舊傳越王

金鐘飛入於此

仙臺峯

一統志通志皆云在府城西考游洋
志在興化故縣西上有石棋枰馬蹄

跡前有石罅
深不可測

瑞雲峯

在故縣西石壁峭立有雲
覆其巔即雨上有轉水巖

長壽

峯

在故縣西何氏兄弟先隱
於此得不老之術故名

海

在府城外
東八十里

城中水

從城外西南使華陂入西水關
橫帶城中由城東北水關而出

達於城濠轉曲以入海

湘溪

在故興化縣前發源石水峯

上溪

即北唐溪在府城外西五里

智溪

發源彌陀巖出二溪口舊名梅花澗相傳雞峯人陳清牧牛於

此有白水老人叱之曰此仙人菜園也勿牛飲污吾水明正德間郡人陳伯獻隱此名曰智溪蓋反柳宗

元愚溪

瀨溪

在府城外西南二十里其源發自永春之說云德化及仙遊合澗谷之水三百六十流

至木蘭陂入海又分入南北二溝

莒溪

在府城外西五十里受游洋蔡溪九鯉湖諸水東會荻蘆

入瀨溪諸水以達延壽溪

白沙溪

在府城外西十五里源自鼓角諸山縈紆北行與大溪合

木

蘭溪

接瀨溪水入陂赴海溪山清翠宋郡人鄭耕老書堂在焉明鄭善夫詩木蘭山下陂水清南洋

北洋風日晴慣乘舴艋中流穩頗愛棠梨兩岸明石塹紗堤迴海勢鵲鵲鵲亂春聲漫向雲莊望莆口

更從壺頂看滄瀛

延壽溪

在府城外北七里又名鰻溪以其水如鰻也又北有徐潭有石微露

號釣磯徐寅隱此

南荻蘆溪

在府城外東四十五里

八瀨溪

在府城外西北十里

亦名八瀨龍潭

碧溪

接上溪水經荻蘆入海

仙遊縣金石山

在城內東北隅以宋傅相居此得名

大小飛山

原名大飛山在縣城

外北五里縣之主山也自縣西北九座山分脈高千仞屹立為二其勢巖然如飛故名西有宋喻景山隱

居處石鶴大飛書院

將軍山

在二飛山屹立千丈頂若兜鍪故名

瀑布山

在縣城外北五

里峭拔空濶林木森聳飛瀑如練下有龍潭

富洋山

在縣城外北七十里

九座山

在

城外西北七十里重巖疊嶂巍然高聳八峰環拱一峯故名唐咸通中僧智廣居此上有藍髻峯伏蟒巖

棲真巖錫杖泉漱雲澗透龍石龍潭諸勝又與
北座相連者曰九雲山下有靈湫祈雨多驗
梁山

在縣城外西北四十里平田中突起一峯層巒栢漢
為神仙窟宅相傳梁時嘗有紫氣烟霧凝結經旬不

散邑以祥瑞
屏山在縣城外西五十里
聞賜名梁山其山高狀如列屏
泗洲臺山在縣

城外西三十五里相傳嘗有仙人往來其間又名飛
仙人臺山上有天柱峯大帽峯宋葉顥世居其下

烏山在縣城外西北十五里相傳昔有
孝子廬墓於此飛鳥來集故名
旗山在縣城外東北

十五里山高勢如展旗上多奇石有石笋石
印石鼓之狀宋郭孝子居此祠中雙闕猶存
高望

山在縣城外東北三十里其峯高聳宜遠眺故名上
有石浮圖下有龍潭又有雙髻峯笋石仙人臺諸

勝
石所山在縣城外東北六十里山高數千仞盤繞
百餘里其巔有石如笏高三丈許宋黃定

齊建古堂其麓林光朝劉夙嘗遊此曰天下佳山水
未有如鯉湖石所者也上有雲居巖古篆百餘字如
龍蛇飛舞不可辨識下視空濶滄海渺漫歷歷可數
鄭樵嘗建書院其上山左為麥斜巖元時林樵谷壁
卿隱此顏之曰樵谷山有兩石洞巖石縱橫洞口上
覆巨石清冷逼人前有樓羣山環拱烟雲蔽虧又旁
為南湖巖峯巖巖秀下瞰平湖
宋需禪師與陳易嘗棲於此

高陽山

一名谷日山在縣城外東

北六十里山林蒼蒼居人斲木以識出入有謂
谷中山水娟秀如人有眼目是其清明處也

雲頂

峯

在縣城外東北八十里端峭秀懸摩拂雲霄鄭氏
祺山書堂峙此山之旁為深坑中有舊隱巖眠雲

閣釣月灣
間猿洞

小巖山

在縣城外東北六十里疊嶂環拱
絕澗爭喧由石門入中有石屏石

鏡石龜
石鼓

古重山

在縣城外東北二十里上有古重
巖深廣各四丈旁石室十餘所

九

仙山

在縣城外東北二十五里林木森翠石上湧飛泉色白味甘舊傳何氏兄弟飲此得仙東有仙

跡石唐景雲間清源縣仙水廟記尚存

崑崙山

在縣城外東十五里二峯圓整秀拔上有蟹井

早則設壇以禱宋王回子孫世居其麓

寶幢山

在縣城外西十二里有玉幢金貂峯東西並崎

鐘石山

在縣城外西南二十里形如覆鐘下有仙門洞石門高廣丈餘東畔有石刻云古有樵夫

過一老翁山中野服問家居何處荅曰家居此山今五百年樵夫曰屋宇何在翁以手指石石裂為門翁

入化鶴飛去

鳴山

在縣城外南八里山頂有風穴中有牡蠣殼天將雨則鳴其聲殷殷若雷過三

日不雨則早上有鳴峯巖疊嶂懸崖清泉白石景特幽勝

白石山

在縣城外南十里孤標秀異林

木蔚然白石成巖下桺清谿即鄭良士棄官隱處

香山

在縣城外南十五里昔有人登山閒異香

忽於地中得之宛若乳香有石梯
石馬掛錢石銀臺石香鑪峯諸勝
盤龍山在縣城外南四十里

盤旋九支泥石皆
紫下有赤湖蕉溪
石鼓山在縣城外東四里有巨
石如鼓縣治之水口山也

翹足山在縣城外南五里自留仙
山分脈而來又名喬木山
羅山在縣城外南五里如鳳展

翼唐妙應祖師指此山可居傳
氏遂世居之後林氏同居於此
留仙山在縣城外東南五里何仙

兄弟嘗憩此今
石棋局猶存
洪山在縣城外東南十五里洪崖險
峻常有紫氣盤繞時聞絳竹之

聲每風而晦冥有火光出
沒巖壑間上下往來不定
瓊山在縣城外東二十里
山石瑩潔如玉高數

丈廣十餘丈
可坐數百人
塔斗山在縣城外南四十五里上有雲
峯巖觀海樓萬壽塔塔前有書

院朱燕所建其後有
亭曰摘斗一名螺峯
錦屏山在縣南四十里形如屏
嶂楓亭市居迤延其下

市南陸氏有芙蓉園活水亭多題咏

北山巖

在縣城外東北七十里上有石室可坐百人相傳初

無泉源雷裂其石泉始迸出

蔡溪巖

在縣城外東六十里宋陳易舊隱處不下山五十餘年以

野菜為糧鄉人不知也後見菜流出溪目為菜溪及蔡樞從易遊因改蔡溪巖前有石如雙闕曰石門高三十餘丈廣八十丈石門之北峭壁環立有飛瀑數百丈直瀉而下瀑盡處為龍潭有普陀巖羅漢洞幻遊洞象王峯獅子峯望賞臺藏真塢德雲軒澄心堂眠雲石諸勝

何嶺

在舊縣西來蘇里以何氏

九仙名宋陳諱大書何嶺二大字縣令陳喜勒石嶺有泉出石罅間林正夫刻仙泉井三大字以表之

赤湖

在縣南楓亭之西周迴五里其下為蕉坑

三會溪

在縣城外西十五里

大濟溪

在縣城外西十里其源自九座飛丘合衆流東南行入三會溪

安吉溪

在縣城外東十五里源出

九座之龍湫東南行四十里為碧溪又五里為清光潭又五里為龍擊溪昆溪在縣城外東十五里

源出安吉溪歷碧溪清光潭出仙可溪在縣城外南七里源出香

水橋而南為西林溪以入大溪山潘巖北流入於仙溪九溪在縣城外南十里水統仙溪在縣城

門外一名南溪一名藍溪西北受永春德化諸水東南行至縣前環繞如帶東過青龍橋歷石馬俞潭出

瀾溪以入海楓亭溪在縣城外東四十五里沙溪在縣城東南四十里

泉州府

晉江縣雲山在郡內城北舊州治皆在山麓宋韓國華為守生子琦於此生時治前榕樹悉花

鸚鵡山在城內東偏有石如鸚鵡故名又東北為虎頭山一名松灣有古松四東晉時物也老幹

離披空翠映人

昇文山

在城南晉司徒王朗每登臨於此又名朗山

清源山

在郡治北

郡主山也舊名泉山山有乳泉顏師古注漢書朱買臣所謂東越王所保之泉山是也發源自白虹山西南折為朋山東為三台山山中有巖洞三十六最勝者曰純陽洞乃東甌王避漢兵處後有石室宋裴道人仙蛻之所有蛻骨巖下連紫澤洞有蔡真人祠及丹竈上有百丈石山陰有梵剎四區峽峰疊岫寓目登眺如在天上郡人多遊焉又有東巖西巖海潮室南臺遵巖明王慎中讀書處半嶺巖棲霞巖大道巖泰嘉巖明顧玘讀書處靈源菴有石佛像不易巖碧霄巖妙覺巖大休巖獅子巖龜巖巖中空廓可居唐林蘊林藻歐陽詹皆嘗讀書於此又南為彌陀巖木龍巖觀音巖老君巖又有石像鬚髯蒼然如畫大

旗山

在清源山東形如展旗故名

鳳山

亦以形名上有東嶽行宮東曰梁相山山麓有梁克

家 **萬歲山**

在郡東南陳洪進為節度時築壇山上以效嵩祝故名

石頭山

在萬

左三石傑出故名下臨大海為郡守望祭海神之所民居鱗集

萬安山

洛江南岸唐觀察使柳冕

置萬安監牧馬於此故名萬安橋在其下

石城山

在沙塘里山勢逶迤連續如城郭

吳明

山

在仁孝里又名吳山蜿蜒數十里郡治前山也舊傳有吳氏兄弟隱其上後著靈蹟鄉人立廟山麓

曰吳明宮

太平山

明蔡清讀書處

龍首山

在常泰里山形盤礴有龍翔之勢俗又呼龍頭

嶺有歐陽詹別墅

寶覺山

上有海印室

桃花山

距城東南下臨內海土色如桃花故

名 **龜山**

在郡西南上有山川壇其西有石笋高二丈許石橋橫亘大江山

石塔山

在

江南岸上有石長二百丈可坐萬人下為明李廷機故里

紫帽山

在府西南與清源山對峙郡案

山也有十二峯常有紫雲覆其巔曰金粟洞唐元德
真人鄭文叔所居相傳有羽士寄書文叔文叔握粟
犒之歸視乃精金也宋寧宗御書金粟之洞勒其上
絕頂有凌霄塔巖崎如畫東為龍首山為蓮花峯折
而北為烏石山為洋嶼山又轉而下為峯山有巨人
跡焉為行輦山宋幼主南遷時駐蹕處又水亭山白
塔山東山碧峯山青陽山元進士夏泰隱此又雙石
山居其下者多雙誕云又石城山山頂有石洞又靈
源山即吳山雄跨四里山背可望長
江宋林知讀書處山南為乞雨山

華表山

距城南四十里

兩峯角立如華表山麓有草
庵庵後萬石峯有雲梯百級

高州山

在龍源華表二山之間與郡治

相對故曰高州

象函山

在華表山北數里山勢
雄大有靈泉庵石資巖

鼓雷山

在府城西

興賢里山上有石如鼓叩之如雷或云天
將雨則鳴上有雲壇鄉人陳珏廬墓於此

羅裳山

在郡

南三十里郡案山也與清源紫帽朋山並為郡名山
東有玉驤峯下有畫馬石唐羅隱乞食山下山下人
侮之隱乃畫馬上每夜出食人禾追之則見馬復
入石中山下人乃禮焉隱為畫椿繫馬馬不復出又
有龍湫
橫山 橫郡治南延袤數里許留從効微時乞
食於許媼及貴買田宅遺之又名許家
六井

巷

寶蓋山

在城東南四十五里商舶自海還者
指為抵岸之所上有塔俗名姑嫂塔

岱峯

山

有石佛像刻泉南佛國四大字

金鞍山

連寶蓋山宋趙永嘉隱此

畫角山

獨立如角諸峯羅列
其下登其巔可望海

石壁山

一名獅山下
有天竺泉

益

輔山

綽號永寧衛治後一名瑞
海有石如珠又名驪珠山

仙人山

在永寧衛城
中巨石盤繞

上有仙人跡出衛城半里
許疊石臨海奇詭萬狀

金釵山

在郡東南三十里
東西兩峯延袤數

百丈若兩釵股宋梁克家讀書處

楊原山

宋僧禹昌隱此有饑食無名草寒燒落葉薪之句

石音山

鍾聲之如故名

洛陽江

在晉江縣北納本邑東北與惠安西北之水東入於海蓋晉惠之界江也宋蔡襄建橋其

上有碑在岸左先是唐宣宗微行到此嘆曰此間山水大似吾洛陽故名

晉江

在府城南晉南渡時

衣冠大族避地於此沿江而居故名江納本邑西北與南安永春安溪之水達於江以入於海

筍江

在臨漳門石塔山下紹興間僧文繪作石橋八十餘丈名石筍橋

浯江

在德濟門外筍江下流宋

嘉定四年郡守鄒應龍造石橋長一百五十餘丈名曰順濟

溜石江

水自東流進而北環城東

南東行入海下為蚶江

凌斜溪

與安永之水會達於晉江

長溪

大帽諸山九水合注達於

留公

濠市溪

俞大猷為童子時父携以遊成名後建橋其上

甕竈溪

自南安蟹眼之

水迤東達九溪上有吟嘯橋為歐陽詹吟嘯之處

葛洲溪

大小九十九澗俱匯於此

南安縣九峯山

在縣東北三都山有九疊宋郡守謝壘石刻九峯字

九日山

連跨晉江

縣界重九日邑人登高於此有無等巖翻經石碧玉峽釣龍井姜相峯高士峯諸勝

高蓋山

在十

一都山頂方平如蓋歐陽詹母墓在焉詹拜墓詩云高蓋山前日影微黃昏歸鳥傍林飛墳前澆酒空垂

淚不見丁寧道早歸

天柱山

在十二都山極高峻有石佛像長丈餘雲烟常覆其上

卓雲

山

在八都山勢極高雲霧涵蔚或數日不散

西山

在三都西距府城十五里故名山多古跡有佛

剎十六區為郡郊勝槩

明心山

在縣西北其山高大明秀一峯卓立如筆

葵山

與九峯山

相映洞壑幽奇有三十六面唐承旨韓偓不食梁祿
隱於此有蓮花峯聳開八石若蓮花然宋元豐中有

真覺添志大師居此元祐元年陳太
后勅賜袈裟金繒環哲宗御書賜之
郭山在十二都神姓郭居

山下十歲時登山坐化
屢著靈異有威鎮廟
高田山山最高頂上闢田數十畝多瑞香花花時

香聞
里許
梁山在縣西北十三都山中松
樹舊是梁氏所種故名
楊梅山在縣西

有巖曰虎廳亦名雪峰唐義存禪師卓
錫於此巖下有芭蕉坂緩步徑洗心泉
瑗山上有龍潭旱禱

輒應
佛跡山唐光啟中山上鉅石忽現夜光刺史王潮
令踪跡之石上得巨人跡長二尺四寸旁

有靈
秀山
雙溪山在縣西永安
溪夾流會此
御看山在縣西四山環

愛山巔有泉曰
聖泉可療眼疾
高鎮山在縣西北宋有詹道人居
之連日不食人呼為鵝居
鷹

山 在縣西二十七都山雨翼如**九仰山** 在二十七都
麓有香木如佛像又名馨山

九有石佛高七丈
許下有石泉院
翔雲山 在縣西下有二巖
龍鬚曰石罅
大羅山

在縣西山高而險下有溪西
南與同安接界又名靈水山
困山 在縣西山勢峭拔
秀銳其狀如困留

從効禱雨其上雨隨至明萬歷間九鯉湖
仙示夢於鄉人曰吾欲居此因建祠焉
苦竹山 有

者居此石林石曰存馬隱者愛竹至今茂
竹數里瀾漫山中鄉人取笋號曰英笋
梅花山 在

十都山多
梅故名
大雄山 在三十都山絕高
峻邑諸山皆出其下
三公山 昔有

林三公築
室於此
雲臺山 五代時刺史王延彬構別館於此
延彬嘗為雲臺侍中故名山形如

二象出林又
名雙象峯
漆石山 與晉江紫帽山對峙石黑滑如
漆故名絕頂有三石列峙號三

公石有觀音像香鑪石龍水巖諸勝旁有石室可容二百人

半月山

在三十五都形如半月故

名又有谷口山泉山環列幽邃如谷

鳳棲山

在縣西上有石柱高五丈餘徑一丈四尺端方峭拔

百里外皆望見石潤則雨舊傳有鳳棲其上

五峯山

有石屋可容五百餘人色如雪又名白石

山亦名片瓦巖又有白雲巖覺海巖

仙境山

唐末有楊姓樵夫遇仙於此後有七道士相招化鶴

而**楊子山**

宋進士楊肅及呂大圭讀書處

翠屏山

方正壁立若屏**圭峯山**明

夏器手机荔子梅素梨栗尚存

報巖

唐保大中僧見黑蛇入穴跡之得古劍獻閩王審知

躍龍溪

宋曾從龍登第時龍躍於此故名

龍津溪

在三十四都宋元符中有雙劍從空

龍故名下化為

洪瀨溪

仙人滌

有石窟天成深不可測

九溪

在縣西南

溪分九派，匯為龍潭，經通濟橋，達安海鎮，過安平橋，入於海。

壽溪

在縣南四十里，昔有王氏居此。

子孫皆奇考故名。

鵬溪

蘆溪

弓潭

三泓如甕，涵水。

金溪

在縣西一都水。

自雙溪出，宋傳自得與朱熹泛舟於此。

惠安縣登科山

在縣西一里，許宋盧瞻讀書於此，瞻舉宋乾道中八行科。**盤龍山**，在

都東北七峯，蜿蜒如龍，宋守王十朋有青山環繞如盤谷句。

樓山

在二都，自登科山發脈迴拱縣

治一名留山，言鎖截風氣去而復留也。

臥龍山

在三都，自東平山分脈東行二三十里，十盤九曲。

一峯昂然如龍首，故名。

螺山

縣治後山也，自仙遊大尖小尖而來，舊名羅峯，唐羅隱嘗居此，後以

山形如螺，更今名。

泗洲山

在縣北，唐咸通中有僧得夜光之楂，刻佛其上。

大帽山

在縣

西北雄峭盤鬱屹立千仞縣諸山之祖也絕頂寬平有泉一泓禱雨多應傳有龍騰焉是產磁石黃精萬

年之松其南曰大腹山

大聖山

在九都巖壑幽絕東臨大海邑中之勝也

觀音靈鷲

山

上有青泉石室蔡襄母家在此

五公山

在靈鷲山南梁時有

五公隱於此

涂巖山

在觀音山北有涂姓兄弟三人居此後歿為神

三髻山

在縣西北

有石梁又有龍湫深二丈禱雨輒應

龍宮山

宋真德秀禱雨處

雲峯山

下有無憂巖又

西為大山

松洋山

在縣東南山谷幽深宋元末居民多避亂於此

鶴堂山

在縣西南

留徙効葬此有雙鶴哀鳴其上故名

楊崎山

在縣南東漢末將軍楊大眼居此

靈秀山

在縣南下為王延鈞母家

銅牌山

以吳將張惔廟中銅牌得名

大岵山

在縣東南多怪

石如鐵磬

小岵山

在二十都有洞

城山

在二十八都東連大海西接長江延

城垣

龍秀山

在二十五都一名美女峰唐末錦田黃氏女有殊色王甯知納為妃後卒葬於

此錦田山

在二十五都相傳唐張西湖居此後任漳州刺史還鄉日鄉人呼為畫錦山

峯

崎山

縣水口山也

黃崎山

在二十二都三而瞰海風濤洶氣之所侵蝕草木不蕃土色微

黃因名

石船山

在洛陽江項有奇石橫插山巔形類船然

獺窟

有橋凡七百七十間潮至則沒潮退可渡宋時僧道詢建

西充溪

在十二都出小鼓溪

與小溪合流

白巖溪

在十四都源三一出三髻山前為沙溪一出胡坑為前郭溪一出晉江柯

山嶺為灣溪並會於沙溪過谷口橋入洛陽港

南坑溪

在十六都源二一自縣西馬壠發源東流

至周旁口過陳公橋一自寂光溪發源至下林溪合
流至通濟橋北至進士橋又北至走馬埭入峰崎港

下曾溪

在二十都源二一出上曾溪過上田小橋一
出上花溪過上田大橋會於充口溪入馬山

埭

龍淵溪

發源東平山逕蓮華山下至龍津陂
統縣治達下謝溪入王孫走馬埭

宣妙

溪

發源城山北至下梁堰為埭
東至柯埭橋又東至前灣溪

驛坂溪

發源禪靜寺
後出驛坂橋

菱溪

發源觀音山後懸鐘嶺折而東南流過
菱溪橋至埭頭與驛坂溪會入峯崎港

同安縣大輪山

出東門外里許羣峯環列如異人奇鬼
張蓋乘車露冕我冠帶甲躍馬之狀

九躍山

去城東三里許自大輪山分脈而西九起
九伏如龍之躍蜿蜒至雙溪口縣左臂也

斗

拱山

去城西北三十里許其勢高
拱星斗山有澗出九節菖蒲

應城山

去城西北
里許寺鐘

與閩王城
鐘相應

三秀山

秀出為邑北鎮

孤卿山

在縣東里許唐

太府少卿
林渠居此

金鞍山

在二都形如馬鞍
朱熹禱雨於此

寶傘山

在縣南感化里

形如傘蓋又
名寶蓋山

東大帽山

去城東三十里廣十餘里有大石如階九級

黃漸

山

在十一都卓然秀出為諸峯冠

三魁山

在十二都三峯奇秀為邑之最

夕陽山

在城

南六十里西山最高故名夕陽
有遁跡巖唐宣宗遁跡於此

西大帽山

與北辰山蓮花山三

重山萬石山
綿亘數十里

大鳳山

去城西北三十里形如鳳翅

龜洋山

去城西北四十

形名 **大尖山**

去城西北四十里高數百丈界於安溪三秀山之發脈也

文圃山

去城

西六十里上有花園唐文士謝脁與其弟修讀書於此

嘉禾巖

在嘉禾里延袤五十餘里上有

場老山唐文士陳黥
累舉不第隱於此

浯洲

十七都至二十都之民
皆處其上多產魚鹽有

太武巖王几峯巖月池眠雲石偃蓋松跨鰲石石
門關古石室蟹眼泉倒影塔千丈壁一覽亭諸勝

東溪

在縣東門外發源大羅
過大師橋與西溪會

西溪

在縣西門外發源
安溪界與東溪會

至丙
洲

曾溪

由嶺下流入
與東溪會

苧溪

發源白桐嶺諸
山與小同溪會

蓮溪

源出

黃漸
山

沙溪

發源長泰縣界以
上六溪皆入於海

安溪縣鳳山

邑主山也深窅袤長珍禽奇羽多集其中
故名五代劉乙字子真隱其下乙仕閩為

鳳閣
舍人

覆釜山

以形
似名

羅漢山

在長泰里下
為羅漢渡

黃龍山

鳳山
對山

也下有
龍津橋

雙髻山

山形如
髻故名

菊山

山多白石
望之如菊

石鼓山

在龍
涓里

有石如鼓又有石如玉
兔俗呼為玉兔望月

南斗山

在還集里上有六
小山布列如斗

大

眉小眉山

二山在縣東北
其形如眉故名

金鳳山

在龍興里尚鄉東
形如飛鳳有仙人

居禱夢
輒應

大帽山

在尚鄉北相傳
有白馬時現

閭山

在縣西南山形
如浪俗呼為浪

來大湖巖

宋張道人道源募杉木
役神運之木自湖出

清水巖

原名張巖
山巖水清

此故名宋僧普足建道場巖中石隙出
米工竣而米絕鄉人祀之禱雨輒應

湖頭溪

白縣北常樂覆釜諸山發源至建口渡歷新
魁渡又合坑源諸山之水至感化為下林渡

而來蘇昇平諸山之水注焉溪有
馬上灘淵灘水百丈從石罅中出

龍潭溪

發源自龍
興崇信二

里達於源口渡湖頭下有藍
家灘水勢奔激游魚極盛

藍溪

水香色如藍故名
鹿葛盤灘釣筒灘

石佛灘夾門灘至南安珠淵渡達於雙溪入晉江

白瀨龍潭

界來蘇感化二里早鳴則雨雨

晴則

三層漈龍潭

潭方二丈餘旁有大石龜現其上則旱蛇現則雨

漳州府

龍溪縣天寶山

在城西二十里五峯峭列周迴百餘里郡望山也上有寶巖洞芙蓉城百丈泉

鬼祭坑宋時有明珠夜飛入九龍江為漁者所得以貢故名南行逶迤至望高山明秀聳特表於衆山由

天寶北望曰玳瑁巖為郡城屏障枕天寶之西為新巖路通安溪龍巖漳平三處又西為揭鴻巖上有營

頭亭下有唐屯軍營故址元末有**登高山**在城西北蔡公者於山腰開巖又名蔡公巖

山自天寶山一脈蜿蜒起伏三十餘里至此巍峯峭拔有成鎮甘露二亭山頂有臨漳臺詳見古蹟山半

有半潭臺左為日華峯初陽先升於此故名又為禪月山又左行為隆壽山皆府治背山也右行為淨安山西南平地突起奇石攢嶺俯瞰溪流又有騰龍山相傳有龍騰於溪故名對峙者為起鳳山宋儒吳勳作亭讀石獅巖山在城南七里峯巒奇秀延袤數里書其上

者有如梯如門者上有半月池羅漢峯超然亭寶月巖南泉巖惟石獅巖為最勝有石剎獅子巖三大字其下清泉一泓剎止泓二字郡守韓摧名為白鹿泉傍巖有庵昔有無隱禪師畜一虎於此俗名虎砦前有虎拜石南有蝙蝠洞洞口有萬石室普陀巖下折為玉泉巖山石獅逶迤至南溪曰丹霞山土石皆赤晨夕映口若丹霞名第山在城南十里亦名天城山故名下有南山寺唐周匡物潘存實讀書於此周後登圓山在城西南十里前後望有十二面故第故名圓山形如覆釜上有石池仙壇每

雲氣覆之天輒雨舊傳唐中丞黃鵠退朝有人貨藥
長安市自言姓康家在清漳琵琶坂後轉運安南過
漳視祠中神像宛如常文山在郡東二十里即觀音
日所見即今康仙祠也
滌山有龍潭飛泉百尺直瀉而下有雙峯如削者曰
危翠山右為水頭山聳秀拔前有白雲巖宋朱熹
嘗遊於此書與造物游及聯句字又右為東山圓秀
如紗帽二山迢遞而來自太平巔羣龍巖兩山夾峙
中縈石磴郡守謝騫建亭其上以憩行者下有木棉
庵宋鄭虎臣誅賈似道處又有同第山世傳為周匡
生此
鶴鳴山在郡城東層巒峭壁高出雲霄隋開
故名亦名石壁山中有仙岐山與鶴鳴山聯峙三峯
亭巖臨雲閣風動石諸勝
岐山與鶴鳴山聯峙三峯
代時僧楚熙居此有石禪床題詩石桃源口誦經壇
一人衆千人洞石室巖青雲洞諸勝右側為鳳凰山

中有萬松嶺出萬松嶺為鄴山明學
士黃道周講學於此有鄴山講堂
銅鉢山在城北二十餘

里山勢綿亘數里內一峯中窪而外圓其形如鉢東
行為羅漢山後唐天成中王延休憇於此忽聞異香

得一龜背有羅
漢像因以名山
馬鞍山在郡東北浯滄社有石如馬
鞍其高出在杏林社者曰曹

溪山中為龍山地宜茶其秀出岸
山之末者曰望月山曰驚峯山
鼎山在城東北其
覆鼎絕頂有臍俗呼為鼎臍山其在北溪之

陽者曰金雞山南有兩峽與岐山相望焉
儀鳳山

在郡西北高聳明秀北行為石鼓山西北為石螺山
又折為華封嶺亦曰龍頭嶺高千餘丈盤磴鑿石北

溪之流
經其下
仰盂山在江東之陽高大峭拔頂凹如盂故
名其與盂山並峙者曰梅山曰坂尾

山明陳真茂居此又有白石山山多白石一名鶴石
山又蜿蜒而聳然於石姜堡其狀似舟者為覆舟山

西湖

在府城西發源金仙院南流折而東遂瀦為湖
諺云同山青西湖平此時出公卿宋紹興初統

制陳敏令軍民
以薪木填塞之

柳營江

在城東四十里有虎渡橋潭
東偏險要也王潮駐輜重宿

重兵守之故
有柳營之號

錦江

有洲曰許憇曰烏礁
曰紫泥江流經焉

羣龍江

在城北二

十里梁大同間有羣龍戲江上故名宋郡守王冕所
貢珠蓋得之於此上游為漫潭有龍潛其中郡人遇

旱祈雨
多應

更鼓水

在城北天宮溪溪中有石濬高丈餘
其水傾瀉潭中冲激成汜汜散有聲

如擊鼓良久復然春夏水大聲
細秋冬水小聲洪夜聞如更鼓

南溪

北源出禾溪南
源出小溪至南

靖合流過郡城南流為三台洲南橋亘焉自南溪入
注郡城者曰東閘河西閘河由東閘陰注於泮宮曰

龍鬚水曰麗澤池旁瀦為麗藻池俗云斷蛙池又
有預備倉池鹽倉池尼姑池滿月池皆在城中

九

龍江

去城二十五里許舊名北溪源出上杭連城二縣合龍巖安溪諸水會柳營江入南門溪注於

海

白水洋溪

在十二三都源出程溪山

汰溪

金沙溪

俱在二十都入北

溪

漳浦縣摩頂山

在縣西北二十里許山高而圓潔如佛頂馬乃西北諸山之宗東行南折過御

史巖為後到山左即白鶴巖背為龜山自後到山東來羅列若拱揖狀者曰羅山北為慈恩巖盤折崔嵬

下瞰源谷羅山之支東行有東羅巖

好景山在縣西北里許其麓即縣治也山巔有石如虎亦名

虎子山自北而西為西宸巖

印石山

在縣東數百步山頂有石端方如印旁有石壁屹立刻呂

令峯傳公河六大字東南行蜿蜒至鹿溪而止

梁山

在縣南稍西三十里高千仞盤亘百里為邑治

之望上有九十九峯其峯之大者曰蓮花峯山之中
峯也相傳為齊武帝所賞更名齊帝石又有獅子峯
金剛峯力士峯雙髻峯長劍峯七星峯八柱峯觀日
峯臨海峯青閣峯晉亭峯晉葛洪居此唐開元十三
年十一月山出祥雲如天仙佛像麟鳳花草之狀竟
月方息其西為盤陀巖宋曰葵崗巖漢曰蒲葵園是
也梁山之上有水晶坪瀑布泉旁阜為大尖山婆髻
山東南抵鹿溪挺然獨立與柘港山對峙者曰峯山
自是東行而距海者為良山唐蒲存實修業於此故
名盡梁山之南境高數百丈者為基山又南行為天
馬山斷岸千尺下瞰大江每潮至其聲如鼓如雷又
名鼓雷山下有井相傳宋幼主汲井烹茶於此所棄
茶久而成樹

海雲山

在縣東二十里頂有石如龜又有峯
如蓮花山半為海雲巖相傳有女子

學仙於此又有紫微石洞其石嶙峋如列筍狀其與
海雲聯峙者曰馬鞍山又來自龜山至天馬小溪巖

周環四十里為竈山疊嶂高大上多怪石有丹霞仙足跡石棋枰石碾多產石蘭及黃精東過尖峯山至

赤湖城外為香山每海上雲收日出光翠淋漓東距海里許曰燈火山海舟夜行見山上光焰如燈故名

臺山

在縣東高數百尺平坦如臺

大帽山

在縣東北山大而峻四面林木蒼鬱頂上形如

戴帽亦名戴帽山上有玉川瀑布新村石鼓龍祭潭寶珠石諸勝又有天湖悟道普陀金仙碧石龍雲石

獅弘道八巖北麓為磁竈山

太武山

在縣東北高數十仞周迴一百八十里東隣大海海圖經

云山上有太武夫人壇太武夫人者閩中未有生人時其神始拓土以居民亦名太姥山

龜嶺山

由大帽山東行五十里為舊鎮海衛城城如神龜出海故名復東行為鴻岐山星布於衛城內者曰五星

山外望島嶼綿邈雲霞沃盞則有東鎮嶼南鎮嶼鴻儒嶼連集嶼將軍礁白玉礁遵海而東為舊陸嶼所

所城如巨鰲戴山舊名青山亦曰鰲山鰲山之北為大湧山左為對面山其環輔為虎頭山烏嘴山鷄心

山海中為橫嶼菜嶼為雙石迤南為銅山所舊名東山今為水師巨鎮城中為鼓樓山明學士黃道周家

其上拱對為川陵山石為白沙山瞭望山東嶺山水寨大山其內有石室海中為烏石平山大甘山小甘

山為東門嶼鐵釘嶼五嶼鷄心嶼雲霄山在城南七十里高聳雲漢故名山下有城今為重鎮

即古懷恩縣地又南為將軍山山昂然獨立如大將擁握然唐將軍陳元光征蠻時築城於此其與將軍

對峙者曰大臣山有二峯曰樓雲山在縣西園淨簞仙人曰玉女俱在漳水之濱秀上有樓雲巖

其與樓雲並峙者為東柘山九侯山在縣西南山半有石室及清泉

南溪一名李鴻川其源一自平和五寨一自南靖龍嶺一自盤陀九曲溪近繞縣城東流而合北溪

鹿溪

源按李鴻川東行入於海

西林溪

源出平和

漳江

在八都水出自西林由銅山海

門而下清濁合而成漳故名

西湖

在縣西門外宋令趙師縉所開周圍五百一十五丈以坤中之

水為長生且以制梁山之離火

溫源溪

在縣西南兩泉並出一微煖一極熱合流入縣前溪

黃

如江

在縣南一百里自龜山竈山諸水會於大坑佛潭橋而入海

綏安溪

在縣南八都

甘棠溪

在縣東北五十里源出三平山百丈漈今名馬口溪

海澄縣儒山

在縣西南二里許縣主山也又號宗龍山亦名蔡前山

席帽山

距縣六七

里圓淨聲秀狀如冠帽兩旁有翅一名筆架一名觀音獨坐羅列於縣治前林麓蒨蔥南溪如帶者曰常春山常春之東為鴻山又東北至於鹿石

南岐山

在縣

山雄峭壁立環顧縣治其頂石多巉巖

西南一名倒港山海水平湖江水倒流故名又西為大鰲山蜿蜒巍我特聳二峯於左右為前宅合浦二

山遙望若筆架然縣治西眺兩山並列一曰虎甲山一曰龍頭山中為陳坑山其峭崿於西南者曰侯山

宋謝伯漸山自羣龍巖數折而來聳起高峯雄大尖宜居此秀有鷄籠山南岐山擁其水口曰漸山

槐浦山

在縣東十里又東南山之峻者曰雲蓋山雲氣常覆其上有石室可容百餘人

文圃

山

在縣北接同安縣界唐隱士謝脩洪文用石資讀書於此北為大巖山又北為龍門巖上勒龍門二

字宋文天祥書互見泉州古蹟石刻部

雲嶽巖

在一都有宋大夫顏知幾神道碑在焉

渚

與

林木蒼翠上有天后廟今為水師汎地

嵩巖

宋幼主浮舟於此值誕節羣臣構行殿呼嵩遺

址猶存

長巖

與嵩巖俱三面臨海各有居民數百家

丹霞巖

一名赤巖海上石朝色

如丹晚色如霞即圭嶼也在海口中央如龜浮水而亦名龜嶼

海

邑於海最近居人多業漁

港口江

源出延江合岸龍江西南溪之水同入於海

南溪

去縣六里許受漸山標潯諸水沿泰江浮宮入於海

盧沈港

自海門入上接南溪溉田萬畝

月

港

外通海湖內接淡水其形如月

倒港

在八都與碧邱洲同為縣治風水所關灌田千餘畝

海

滄港

疏通石因內有橋市

貧管港

在赤石江小魚生馬港當沙時中流一帶宛轉纖長末分

兩岐形如竹故名貧管

茭洋潭

源出龍溪周圍四里許灌田六百畝

南靖縣歐寮山

縣治主山也一名大帽山又名三鳳山後峙五峯周百餘里其旁曰鏡山每夕

陽返照炫然有光又有寶珠山形如員珠巔多怪石溪流迴繞有周濂溪祠

紫荊山

在縣西南

二十五里五峯聳翠中有龍潭與紫荊連峙者曰麒麟山峯頭高仰若麒麟然草木蔥茂民多樵於此自

黃井徑口至東埔鵝頭山在縣南五十里為縣治前歷三平曰翠微山鵝頭山案山形如鵝昂首亦名天

馬山其在縣前雙溪之南曰湖山又有鼓旗山縣治類馬由鵝頭逶迤為榜眼山產水晶以榜眼李貞產

此故名又折西天山在縣東南列嶂成屏為郡西辰而為橄欖山亦名獅山西天之麓為石盤山

山頂有巖平坦如盤其遠而南峙者形如虎曰虎頭山秀色如翠者曰烏翠山浮山在縣北

為龍巖州界和溪之下山常路旁形如覆甌上下不相聯屬故名其與浮山並峙上尖下侈形如金字者

曰金山一峯突起者曰鵝髻山北接漳平縣界者曰朝天嶺峯蒼嶺距縣一十六

里峯高入雲於此石磴盤迴路通汀贛

雙溪

在縣治前大溪發源於清寧里自蘆溪至縣小溪發源龍巖永豐里厝金山至縣與大溪合流

入海深渡溪

在縣西北五十里源出龍巖界

三團溪

在縣西南一百三十里源出上杭界

舊溪

在縣治南

九團溪

源出漳浦

橫溪

源出小坪山至溪口

山隔溪

源出三峯

經侯山

翠微溪

源出翠微社通流入大溪

長泰縣良岡山

在縣西北五十里縣主山也上有龍鬚泉山之脊懸崖相負者曰翁婆石上為

大盤石大四畝良岡之下里為石硯有官七代石崖壁陡絕者曰紫壁嶺大鷗鵲嶺又曰真應巖旁有石

洞臨溪又有金岡湖山大帽山又有石如角形者曰龍角山近龍角者為羅山

鑼侯山

在縣治北

岡峯特起縣治枕其間宋朱熹守郡時建仰止亭其上對峙者曰登科山亦名來青山左為新寨山與羅

侯相按舊設泰安寨於此其右為水晶山形如天柱
覆釜稍北曰重桂山周十丈許為縣治右臂焉

山

在縣東五十里上有天柱巖詳見古蹟又有忘歸
石盤陀石百丈巖象鼻石觀音巖勢至巖海湛巖

一線泉應湖泉香爐峯大帽峯仙人亭劍脊橋起几
閣諸勝絕頂有紫玉峯可望日出折而東南曰朝天

巖

石岡山

在縣南里許山麓有清和巖又南為雙髻
山兩峯對峙如髻正南五里為鼎山上

龍秦巖為
縣治案山

西峯山

在縣城西人和里縣治右山也西
峯之外圓如螺者曰螺山稍遠曰

吳峯山邑人楊
虔誠先隱於此

曷山

即吳峯山去縣五十里雄峙東
方少樹木流水成渠高處有田

十餘頃絕頂有石室亦名吳田山左為蜈蚣山相近
者為大尖峯小尖峯東而蛇者為鼓鳴山山故有洞
風吹坎坎成聲唐元和二年秋不雨彌月鄉人鄭元
善率眾告禱俄而鼓聲四起雲物油然霖雨十日故

名又有高瀨山石長丈餘風來則動名風動石東北界於同安縣者曰桐嶺上寧嶺又接安溪縣界者曰磨鋒嶺又有內方山下有礪洞特立如燈形者曰燈火山又有曰火炎山曰覆釜疊峯相連可候雲雨又曰產坑山曰長腰林有峯為

董奉山

在縣北五十里形如卓筆上有

東稜峯黃辛峯黃西田峯丹竈棋枰琴室相傳仙人董奉所遊處又北而近者曰待詔山昔有孝子待詔於此故名

龍津溪

在善化里左收芹果溪林墩溪諸水右收內方溪青坑溪林口溪諸水合流歷旌孝石銘

彰信等里至戴乾分流曰巖溪三江溪又合歐馬以東諸小溪合流經縣東門為東津溪遶南門為南津溪西過畝化洪溝歷人和里為

洋山溪

發源良岡山至洋山入龍

津
馬洋溪

在恭順里

平和縣長廬山

在縣北發源自汀州永定縣連峯數百里為縣治北辰環轉於四郭者北為卓

鳳山形如飛鳳巒然峙於東者曰東山西曰樓宅山山形如樓臺殿閣與東山遙對而右峙者為岑山迤

南如天馬馳驟雙峯卓然者為天馬山自岑山來與天馬並峙為鷄籠山岑山之西為象湖山長廬東山

樓宅之外左右拱揖者又有璞山後塔山洪瀨山

五牙山

在清寧里翠微社九峯巒立如牙笏

山產礬石亦名礬山東行為瑯山其下為南勝縣故址即今小溪地元末李志甫作亂後始創平之其最

高而擅勝者為三平山巖谷深邃登者必歷三險三平乃至其上山半有侍郎亭詳見古蹟宮室部又有

仙人亭窈蛇峯和尚潭九層巖雙髻山高柯巖煎茶塢虎爬泉錫杖樹大伯山諸勝

大峯山

在新

安里大溪社邑之鎮山也一名大峯溪山高巖峻罩絡郡岫突起石峯十有七有青雲峯有洞可坐三十

餘人又有楓山巖青雲巖獅子巖佛祖巖山北有靈通巖巨石為蓋泉涓滴其上如雲如霧如珠簾有風洞風從洞出色如綠霧大峯之支列於大溪者曰大瓊山小瓊山筆架山龍岡山列於盧溪者曰楊半天山赤

醫山

河頭溪

在縣治東南自大峯正西出下為麤溪西過樓宅經縣治至於三河合盧溪以達於海

高山溪

自大峯分源出大小坪東流至溪口合銅壺坂仔諸水入溪

西林溪

自旗

山發源東南流為河上溪至西林南流至雲霄為漳江以入於海

大溪

在縣西岡上杭舊號自徐

坑溪南流為雙溪而魚鼓溪馬溪皆入焉流入詔安

詔安縣良峯山

在縣西一里嵒拔奇麗縣主山也發源自平和縣之大峯山南行至點燈山自

點燈山分為二支其一支曰赤坑山勢若五星聚港轉而鳳嶺至於良峯旁為九上落山其一支曰鳳頭

山左轉為焦坑山石為礪初稽山在縣北二十五里竈山真武山為縣邑水口

初稽山

在縣北二十五里

此山半有三潭元季陳文輝結庵講學其上有巨石出泉清冽不變號玉泉又北行為烏山巨石嵯峨半挿天表為邑後屏嶂迤邐而北九峯並列上有石門可通車馬頂可坐數十人中有棋盤石天然橋香爐石風動石觀音石三寶石雲根石又有飛來佛羅漢洞自初稽而來峯崖聳秀曰厚廣山亦名和廣山

大南山

在縣南十五里兩峯秀銳亦名大尖山小尖山其右綿亘十數里若巨屏森列者為龜山

上有巨壑相傳有龍潛焉又有石洞可容數十人山右即汀漳分界又有象頭山

櫟林山

在縣

東北五十里山勢龍聳崖石森列有石屋數十處可容百餘人稱十八洞犀峯挿天為一邑望鎮支麓綿

亘跨於深田鋪者曰葵崗山餘甘嶺山在縣東六十里有兩小山相視名相見嶺

為知州山宋瓊州守翁待舉葬此故名金溪山在縣西北四十里亦曰

銀坑湮漸山在縣東五十里高峭千仞頂分二峯中塞已久有石榴洞深杳莫測詳見古蹟山岐跨

至港口渡西南巨石若屋有泉清冽遠近汲之與漸山相望為雙岐山又為楊芳山中有潭三畝許逾梅

嶺為懸大帽山在五都東負大海山勢高聳宋陸秀鍾所夫陳宜中扶帝昺泊龍舟於此又高

出海濱半入於海者為川陵山時帝昺南渡將都南灣築此為東京地陷於海其城堞猶存山青嶺秀巖

號為蘇尖又號都山又其餘為虎果老山在懸鐘所岡山為揭榜山皆與川陵山相接城內一名

古老四而八山連環相向東峙者曰東山上有南灣烟墩臺可以望遠有內嶼外嶼南山墩七洲嶼

山 由海門西出半日程砥柱海中週二百餘里
青峙

山 上有海澗天
獵嶼山 高百餘丈長二

東溪 在縣東源出平和之大溪山入詔安至小篆溪

溪 下石墘至溪東村塘東溪諸水南注
港頭溪 源自

五斗過磁窑等村至港
大陂溪 在二都經馬洋山至

頭會潮水至象頭入海
大陂 南繞梅州村抵

漸山走馬溪 在五都距懸鐘梅嶺

入海 俱二十里要害地也

福建通志卷三